



## TOK SORI LONG RONG HETLAIN

Wantok Niuspepa i laik salim tok sori i go long Gavana bilong Morobe, Kasiga Kelly Naru, wantaim ol komiti memba bilong Morobe Provinsal Baset Komiti, provinsal asembli memba na provinsal eksekutiv kaunsil long rong hetlain mipela i bin putim long fran pes long las wik. Mani mak bilong 2017 Morobe Provinsal Baset em i moa long K424 milien na mipela inap long tok K424 milien, tasol mipela i tok sori long putim K4.24 milien.

Gavman mas kamapim moa wok - P4



Uni fos putim bikpela tambu - P9



# Koki maket pis i win tru!



Memba bilong Mosbi Saut na Minista bilong Sports Nesenel Iven na APEC, Justin Tkachenko i karim bikpela pis long han bilong wanpela pisaman long nupela Koki pis maket. Minista Tkachenko i raun long sekim maket long ilektoret bilong em.

Poto Nicky Bernard.

Lukim ol poto raun bilong em long ilektoret bilong em long pes 15.

# Hela LNG L/O no sainim venda fainens agrimen

## Aja Potabe i raitim

OL papagraun bilong PNG LNG Projek long Hela Provins i no wanbel long venda fainens agrimen bilong Kumul Petroleum Holdings Limited (KPH).

Provinsal gavman bilong Hela i wanbel pinis long venda fainens bilong KPH na ekting Gavana Francis Potape i makim maus bilong provinsal gavman na sainim agrimen pinis.

Hela provisal gavman bai kisim dinau mani long KPH na baim sea bilong ol long Kroton, na kamap indaerek seaholda bilong PNG LNG Projek.

Moa long 85 pesen bilong ges risos bilong PNG LNG Projek i kam long Hides PDL 1, Hides 4 PDL 7 na PDL 8 long Angore insait long Hela Provins.

Tasol ol papagraun bilong ol ges fil we moa ges i stap long en, i no wanbel long dispela plen bilong KPH.

Menesing Dairekta bilong KPH, Wapu Sonk, i tok ol papagraun grup bilong Gobe PDL 4 i sainim agrimen bilong ol long Tunde long dispela wik.

Moa stori long pes 2...



# Wasa Rice 200g Em Skel Ya



## GROWN FOR THE PEOPLE OF PNG

## Westen i gat wanpela Membro tasol long Palamen

WESTEN Provins i gat wanpela memba tasol i stap long Palamen, Deputi Gavana Abini Gesele i tok.

Mista Gesele i tokim Wantok Niuspela long las wik Fraide olsem em i laik sapotim memba bilong Midel Flai, Roy Biyama, husat i kamap wanpela memba tasol na lida bilong Westen Provins long stap long Nesenel Palamen.

"Mista Biyama tasol i stap long sia bilong Midel Flai. Arapela tripela sia bilong Westen Provins i stap nating," Mista Gesele i tok.

Mista Gesele i tok sapos Mista Biyama i laik sanap long Gavana bilong Westen Provins, em i redi long sapotim em bikos Mista Biyama i gat eksprens long politik.

"Em i gat eksprens, em i stap 15 yia long Palamen nau. Na ol pipel bilong em long Midel Flai i gat bilip long em.

"Long dispela as, em i stap lida yet. Pipel i wanbel long em, na em i save givim sevis long pipel. Mi laikim yumi ol lida bilong Westen long wok-bung wantaim aninit long yuniti," em i tok.

Lidasip Traibunel kot i suspendim o stopim Memba bilong Not Flai, Boka Kondra, long wok bihain long kot i bin painimaut olsem em i bin stilim sampela mani bilong pipel.

Mista Kondra i bin apil gen long Suprim Kot tasol kot i rausim apil bilong em long Novemba 30, 2016.

Memba bilong Saut Flai, Aide Ganasi, i bin dai long Novemba 8, 2016. Long Novemba 30, gavman i bin holim bikpela haus kraiblong em.

Mista Ganasi em i bin stap Deputi Spika bilong Nesenel Palamen.

Long Novemba 18, 2016 Nesenel Kot i painimaut olsem Westen Gavana Ati Wobiro, i no bin yusim gut K7.9 milien pablik mani bilong pipel bilong Westen Provins.

Kot i sasim em wantaim pastaim Westen Provinsal Edministreta Dokta Modowa Gumoi, na Norman Carl May bilong Fly Care Foundation Inc.

Ol wan wan man i kisim 10 yia long Bomana haus kalabus. Mista Wobiro na tupela man i apil gen long Suprim Kot.

# Sapotim ikonomi

## ... atoriti mas was long stil pisaman

Paul Zuvani i raitim

**AMI, polis na Nesenel Piseris Atoriti (NFA) i mas putim gutpela was long boda bilong Papua Niugini long painim stil man, Dairekta bilong Nesenel Weda Sevis, Samuel Maiha i tok.**

Las wik i gat ripot i kamap olsem PNG atoriti i holim pasim sampela piseri bot bilong Vietnam husat i painim pis long solwara bilong Milen Be.

Dispela ol sip nau i stap long han bilong gavman inap long ol pisaman i tokaut long as bilong ol i brukim banis na kam insait long solwara bilong Papua Niugini.

Em i tok nau i taim bilong ren na ol pisa man i save long wanem hap bilong painim pis.

Sapos atoriti i mekim gut ol bai painim ol stil pisa man long solwara bilong mipela na sasim ol.

Moa yet ol atoriti i ken i painim gutpela namba bilong pis, salim na mekim mani.

Em i mekim dispela tok long taim we planti ren nau we i wok long kamap na dispela i kamapim kol tu long solwara long dispela taim.

Maiha i tok ol pis i save bihainim na stap long ol hap we kol i save kamap na ol pisa man i save gut long dispela.

"Ol pisa man long narapela

kantri (planti long Esia) i lukim weda na i save long stap bilong pis," Maiha i tok.

"Taim ol pis i lukim ren i kamap, solwara i solap ol pis bai painim na stap long dispela ol hap."

Em i tok planti kantri i save sapotim gut ikonomi bilong ol long dispela taim. Ol i kisim pis, salim na kisim mani.

Maiha i tok planti ren i ken bagarapim tu ikonomi long sait bilong rot na bris na karim bilong wel pam.

Mak bilong kisim mani long wel pam bai go daun bikos planti ren bai mekim gris bilong graun i go aut na wel pam bai nogat gutpela gris long kisim

na karim gut.

Dispela bai daunim gro bilong ikonomi.

"I gat hevi bilong ikonomi long kantri na sapos mipela i no was, dispela bai daunim sans bilong strongim ikonomi," Maiha i tok.

"Taim i gat hevi long prais bilong wel, ges, gol na kopa gavman i mas lukluk long olriniuebel risoses olsem piseri.

"Gavman i ken salim pis, kisim mani o putim gutpela was long boda, holim pasim ol stil pisaman na sasim ol na kisim mani long dispela.

"Ol kain rot bai sapotim ikonomi taim kantri i bungim hevi bilong mani."

## Deputi Gavana sapotim Biyama kamap gavana

DEPUTI Gavana bilong Westen Provins i tok em i wanbel long sapotim Memba bilong Midel Flai, Roy Biyama, i kamap nupela Gavana bilong Westen Provins.

Deputi Gavana Abini Gesele i tok em i redi long sapotim Mista Biyama sapos em i apim han bilong em long sanap long Gavana bilong Westen Provins.

Mista Biyama i bin tok em i wanbel long sanapa long Ga-

vana bilong Westen Provins bihain long Gavana Ati Wobiro i go long kalabus.

Lidasip Traibunel i suspendim Memba bilong Not Flai, Boka Kondra taim Memba bilong Saut Flai, Aide Gani, i dai long Novemba las yia.

Westen Provins nau i gat wanpela memba tasol long Palamen, husat i Memba bilong Midel Flai, Roy Biyama.

Mista Gesele i tok em i em i

bilip long pasin yuniti na em laikim olgeta lida bilong Westen Provins long bungitinging wantaim, wok wantaim na givim sevis long ol manmeri.

Mista Biyama, husat i nambatri tem Memba bilong Midel Flai, i bin tokaut olsem em i gat eksprens long politik na em i redi long sanap gavana bilong Westen.

Dispela yia em i namba 15

yia bilong Mista Biyama long stap long Palamen.

Mista Gesele i tok pipel i save rispekim em na ol i makim em i kamap lida long dispela 15 yia.

"Pipel i save wanbel long lidasip bilong em. Sapos em i wanbel long sanap, orait mi wanbel long sapotim em.

"Bikpela samting em developmen na sevis. Ol pipel i mas kisim sevis na lukim developmen long ples," em i tok.

## Hela LNG papagraun no sainim venda fainens agrimen

### I kam long pes 1...

Mista Sonk i tok ol papagraun grup bilong Gobe i joinim ol lain bi-

long PDL 9 long Juha, PNG LNG Plen Sait long Boera, Papa na Lealea, Paipain Segmen 1-8, na Moran PDL 5 na 6.

Ol dispela grup bilong papa-

graun i wanbel long kisim dinau mani long KPH nab aim sea bilong ol long Kroton aninit long dispela venda fainens plen.

Ol provinsal gavman bilong Galf,

Hela, Sauten Hailans, Westen na Sentral tu i sainim agrimen pinis wantaim KPH.

Wanpela biknem papagraun bilong Angore PDL 8 long Hela, i tok KPH i daunim veliu bilong dispela 4.27 pesen Kroton Ekwiti.

Dispela papagraun i tok ol papagraun bilong PDL 8, PDL 1 na PDL 7 i no wanbel long pasin bilong KPH long daunim veliu bilong Kroton Ekwiti.

Tasol KPH i tok em i no daunim veliu bilong dispela ekwiti o sea. KPH i tok NEC Desisen i daunim veliu bilong ekwiti bikos gavman i luksave pinis olsem ol papagraun bai sot long kisim kain bikpela mani long baim sea.

"KPH i no daunim dispela veliu, Gavman yet i luksave olsem ol papagraun i no gat dispela bikpela mani long baim sea long Kroton.

"Olsem na Gavman i daunim veliu i kam daun long US\$150 milien (K450 milien). Dispela em i veliu bilong 1 pesen.

"Total veliu bilong 4.27 pesen em i US\$ 640, 500, 000 (klostu long K1.92 bilien). Ol benefiseri

grup bai baim 25.75 pesen bilong Kumul Petroleum Kroton, we pastaim ol i bin kolim Kroton Namba 2.

"Mani mak na prais ol i bin wanbel em i US\$150 milien long wanpela sea. Em i fiks prais," KPH i tok.

Aninit long UBSA agrimen, ol papagraun inap long baim dispela sea long mun Julai las yia.

Prais we ol i bin wanbel long UBSA em i US\$240 milien (K720 milien) long wan wan sea.

Tasol gavman i daunim dispela prais i kam daun long US\$150 milien long mun Septemba long las yia.

Gavman i marimari long ol papagraun bikos ol i no gat mani.

Ol papagraun i no kisim yet ol royalti mani bilong ol.

Long dispela as, gavman i bin skruim detlain i go moa Desemba 31 long las yia.

Gavman i givim inap sans na moa taim long ol papagraun long painim mani tasol ol papagraun i no hat wok long painim mani, wanpela saveman long oil na ges i tok.



Menesing Dairekta bilong Kumul Petroleum Holdings, Wapu Sonk, (nامل) i sainim agrimen wantaim ol papagraun bilong Gobe PDL 4 long larim ol dispela lain i kisim dinau mani aninit long venda fainens long baim Kroton Ekwiti bilong ol.

## PALM Ministeriel Interim Miting Namba 3 (MIM3)

JAPAN bai holim namba 3 Ministerial Interim Miting (MIM3) bilong ol Pasifik Ailan Lida Miting (PALM) long likura Ges Haus, Ministri bilong Foren Afes, Tokyo, long Januari 17.

Dispela miting bai lukim ol lain olsem ol Foren Minista bilong 14 Pasifik ailan kantri, Australia, na Nu Silan long kamap long en. Long Siapan yet, Fumio Kishida, Minista bilong Foren Afes, bai stap na go pas long dispela miting wantaim Lorin S. Robert, Seketeri bilong Dipatmen bilong Foren Afes bilong Federated Stets bilong Maikronesia, husat i siaman bilong Pasifik Ailan Forum (PIF).

Siapan em i bin save holim Pasifik Ailan Lida Miting long Siapan olgeta tripela yia stat long 1997 long kamapim gutpela wokbung wantaim ol Pasifik ailan kantri wantiam ol toktok bilong olkain kain risonal na globol toktok long

taim ol i kamap. Stat long yia 2010, Ministerial Interim Miting i save kamap namel long tupela Samit miting. Insait long Ministeriel Interim Miting i save kamap long ol yia namel long ol bikpela samit miting. Long MIM3, ol minister bai lukluk gen long ol samting i kamap bihain ong PALM7 long Me 2015, na senisim ol tingting bilong redi long PALM 8 bai kamap long yia 2018.

Siapan na ol Pasifik ailan kantri we i stap insait wansolwara em Pasifik Osen bai toktok long stretim sampela ol wankain hevi ol i save bungim, long kamapim bel isi na gutpela sindaun long Pasifik rijon.

Ol kantri Pasifik ailan insait long PALM em Cook Islands, Federated States of Micronesia, Fiji, Kiribati, Marshall Islands, Nauru, Niue, Palau, Papua Niugini, Samoa, Solomon Ailans, Tonga, Tuvalu, Vanuatu.

## Nius manmeri bai kisim trening long Pres Klap

OL nius manmeri bilong PNG bai gat sans long kisim trening long helpim ol long mekim wok bilong ol.

Midia Kaunsil ov PNG (MCPNG) na Nesanel Brodcasting Korporensen (NBC) i bungim tingting wantaim na bai kamapim Pres Klap (Press Club) ov PNG.

Wanpela namba wan wok we dispela klab bai mekim em long trenim ol yangpela nius manmeri long sanap strong na askim ol rait askim.

Presiden bilong MCPNG, Alexander Rheeney na Menesing Dairekta blong NBC, Kora Nou, i tok ol nius manmeri bai kisim trening long dispela wik Fraide.

Dispela trening bai helpim ol nius manmeri long askim ol rait askim long Prait Minista Peter O'Neill na sampela ol bikpela politikel na bisnis lida long kantri.

"Mipela bai kamapim Pres Klap ov PNG, wankain olsem arapela ol pres klap long arapela kantri.

"Pres Klap bilong Australia i save askim Prait Minista bilong yumi, Peter O'Neill long sampela ol bikpela samting long kantri.

"Nau mipela ol nius manmeri bilong PNG bai gat Pres Klap bilong yumi yet," Mista Rheeney i tok.

Mista Nou i tok namba wan trening bilong ol nius manmeri bai kamap long dispela wik Fraide long Lamana Hotel.

# Hela lida na bisnisman mas rausim gan i kam aut

**OL lida man long Hela Provins i mas tok aut stret na rausim gan bilong ol i kam ausait na givim i go long polis na ami, wanpela komyuniti lida i tok.**

Komyuniti lida Pai Wasa i tok olgeta memba na lida, ol saveman na bisnisman long Hela i mas karim gan bilong ol i kam aut na givim i go aut long ami na polis.

Mista Wasa em i Siaman bilong Kole Landowner Association bilong Tebi LLG long Tari-Pori distrik.

Em i tok ol lida, memba na gavana bilong Hela i stap nau na pastaim, i gat gan. Em i tok ol bisnisman na ol saveman i gat gan tu.

"Yumi ol lida i mas go pas na rausim gan bilong yumi

yet pastaim. Yumi no ken haitim gan bilong yumi na tokim arapela ol man nating long rausim gan i kam aut.

"Planti taim yumi ol lida, bisnisman na save man i save baim gan bikos mipela i gat mani. Mani mak bilong baim wanpela gan em i namel long K15, 000 na K30, 000.

"Ol ples lain i no gat dispela kain mani. Yumi ol lida, bisnisman na saveman i gat mani long baim gan.

"Yumi mas mekim samting stret. Sapos tru tru yumi laik rausim gan, yumi mas soim gutpela pasin long ol pipel. Ol lida yet i mas sanap pas na givim gan i go bek gen long han bilong

gavman," Mista Wasa i tok.

Mista Wasa i mekim dispela toktok bihain long gavman i salim 300 ami na polis long wanpela kol aut long Hela Provins long las wik Mande.

Fainens Minista na Memba bilong Tari-Pori, ekting Gavana bilong Hela, Francis Potape, na Memba bilong Koroba-Lake Kopiago Philip Undialu i sapotim wok bilong ami na polis long givim sekyuriti long manmeri na gavman propeti.

Mista Marape i bin askim ol man Hela long stopim pait na givim gan i go bek gen long han bilong gavman bikos gan i wok long kamapim bikpela birua long

laip bilong ol manmeri.

Mista Marape i tok Tari-Pori i mas stopim pait na putim lotu i go pas. Em i bin mekim dispela toktok taim gavman i salim ami na polis i go antap.

Long nupela yia, wanpela bisnisman long Tebi LLG i bin givim wanpela liklik sot gan bilong em i go bek gen long polis.

Mista Marape na Hela Provinsal Edministreta William Bando i bin lukluk i stap na bisnisman ya i bin givim gan ya i go bek gen long gavman.

Tasol planti man i no givim gan yet gan long gavman. Ol ripot i kam long Hela i tok polis na ami na stap tasol ol i no kisim wanpela gan yet.



TRAIBOL PAIT LONG HELA: Ol man Hela i holim ol bikpela gan ol i mekim long faktori.

## BSP PERSONAL LOAN

Visit your nearest BSP Branch today to apply.

✓ 100% unsecured loan

✓ Flexible repayment terms

✓ Loan up to K50,000

✓ Quick approval

Back to School is easy with a BSP Personal Loan

WE ARE BSP

www.bsp.com.pg

# Singaut i go long gavman long kamapim moa wok

Paul Zuvani i raitim

HEVI bilong no gat wok i mekim hevi bilong lo na oda i go bikpela long kantri, Seketari Jeneral bilong Katolik Bisop Konferens (CBC) bilong Papua Niugini na Solomon Ailan, Pater Victor Roche, SVD, i tok.

Moa long dispela em i tok nogat gutpela skul pasin long famili, sios i no mekim inap wok na pait namel long ami na polis i lukim ol yangpela i mekim samting long laik na i no wari sapos i gat lo o nogat.

Em i mekim dispela tok bihain long 5-pela raskol man i bung, holim pasim em long Gordons Maket, Pot Mosbi na kisim ol samting long han bilong em taim ol manmeri husat i stap, i sanap na lukluk tasol long em long las wik Sarere.

Tasol em i tok long Gordons Maket, olgeta manmeri i gat rait long go fri long salim na baim samting. No gat man i mas pasim ol.



Gavman mas wok wantaim praivet sekta long kamapim moa wok bilong manmeri long daunim hevi bilong no gat wok. Foto: Paul Zuvani

“Hevi bilong lo na oda long Pot Mosbi i go bikpela long dispela taim,” Fr Victor said.

“Planti raskal pasin i wok long kamap tasol no gat inap ripot i

kamap long tokaut long dispela ol hevi.

“Bikos long ol skul bai stat, (Jeneral) Ilekseen bai kamap ol manmeri na gavman i tingting long

dispela ol samting na i no tingting long kamapim gutpela sindaun long komyuniti.

“Makim maus bilong CBC mi askim Gavana Powes Parkop na Nesenel Kapitel Distrik Metropolitan Supritenden Ben Turi long ol i mas mekim samting bikos sindaun i go bagarap nau.”

Fr Victor i askim olgeta manmeri o oganaisesen husat i go pas long wok bilong sekyuriti olsem larim ol manmeri i stap isi na stap seif.

Em i tok long Sarere em i no bintoktok wantaim polis long hevi i kamap bikos em i gat ekspirien bipo long polis i no inap mekim wanpela samting.

Long dispela as em i tok olgeta sosaiti i mas kirap na mekim samting long daunim hevi bilong raskal pasin.

“Em i rait bilong olgeta manmeri long ol i stap seif na wokabaut fri i go kam. Ol i no ken pret long wanpela samting taim ol i wokabaut.

Fr Victor i tok sapos ol sekyuriti oganaisesen i no mekim wanpela samting orait komyuniti wantaim media i mas kirap na mekim nois long tokaut long dispela pasin nogut i kamap.

“Mi askim gavman long em i mas kamapim moa long wok long sapotim ol yangpela husat i pinisim skul na stap nating.

“Ol disiplin fos olsem ami na polis i no ken pait i go kam.

“Ol papamama i mas skulim ol pikinini long gutpela skul tok bilong harim tok na bihainim Kristen pasin.

“Ol sios tu i mas go aut moa na skulim ol manmeri long gutpela rot bilong wok na stap,” Fr Victor i tok.

## Riviu bilong dispela wik...

### PNGTA i fokus long visen 2050

OL tisa unien i singaut i go long edukesen plena na gavman long fokus long visen 2050 long givim namba bilong ol tisa we inapim namba bilong ol sumatin.

Papua Niugini tisa asosiesen (PNGTA) jenerol sekreteri Ug-wailubu Mowana i tok kantri i isi, isi tumas long wok i go het bilong en insait long visen 2050 wok mak bilong 165,000 tisa long 2019. Em i tok olsem dispela mak we kantri i kamapim ol tisa i isi, isi tumas long mak olsem 57,000 i go long 60,000 dispela yia we i no inapim populesen bilong kantri we i wok long i go antap long 3 pesen wanwan yia.

### Namba bilong HIV, STI i go antap long klinik

NAMBA bilong HIV na seksual transmited disis (STI) kes i go antap tru long dispela krismas period long Koki, Klinik Menesa, April Barthan i tok. Em i tok tu olsem klinik i kisim 15 HIV na STI kes insait long tupela wik tasol long dispela mun we i antap tru long mak bilong bipo we klinik i save gat 15 insait long wanpela mun.

Em i tok tu olsem, aut pesen klinik i bin kisim planti manmeri wantaim sik pekpek wara long dispela mun na Sik nimonia tu i bin antap tru long las mun long taim bilong ren.

### UPNG i kisim hap mani bilong K12 milien fanding

YUNIVESITI bilong Papua Niugini (UPNG) i kisim hap mani bilong k12 milien long gavman las Fraide bilong pinisim seken semesta bilong 2016. UPNG pablik releasen manesa Jim Robins i konfemim olsem ol i kisim mani tasol em i no tokaut long hamas mani mak stret.

Treseri sekreteri, Dairi Vele i tok las wik olsem dispela k12 milien mani bai i go long 3-pela yunivesiti, UPNG, Yunivesiti bilong Teknoloji (UNITECH) long Lae na Yunivesiti bilong Goroka (UOG).

PNG i namba wan long wol long piksa no gut GOOGLE trends husat i save lukluk bihainim intanet ses rikwes i soim olsem Papua Niugini i sanap namba wan long wol long lukim piksa no gut. Westen Hailans provins i gat 100 pesen, Morobe provins i gat 62 pesen na Nesenel Kapital Distrik (NCD) i gat 29 pesen.

Bihainim PNG em ol Afrika kantri olsem, Zimbabwe, Kenya, Botswana, Zambia, Ethiopia, Malawi, Uganda, Nigeria na Fiji i sindaun long namba 9 spot.

# Lokal atis redi long sain long ‘Yu Em Khax’



Yu Em Khax jas Cal, Mereani, Dadii Gii na Mistique i kam bek gen long so long namba wina Khax bilong PNG.

DIGICEL lokal pilai hit, ‘Yu Em Khax’ i bin kamap ken long Sarere 14 Januəri 2017 we i soim namba wan semi fainel long TVWAN laif long 7 klok nait.

Dipela em i lokal so we i kamap namba wan taim na i soim ol Papua Niugini husait i gat wanwan spesel talen o stail bilong ol.

Moa long wan handrit manmeri i bin kamap long Novemba na Desemba odisen, las yia.

Siks pela singa, 4-pela dansa, 3-pela mejik man, 3-pela fani man, wanpela bit

boks grup na wanpela atis bilong musik i amamasim ol jas insait long Pot Mosbi, Lae, Mt Hagen na Kokopo na i go insait long televisen las yia.

Digicel Pilai CEO, Nico Meyer, i tok 18 kontesten i bin mekim i go long semi fainel raun we bai stat long dispela Sarere.

“Ol 9-pela kontesten i bin wokim pilai antap long stes dispela wiken na soim ol jas long ol talen bilong ol,” Em i tok.

“Taim ol hit i bin pinis long Desemba las yia, ol

kontesten i bin i go bek na redi long wokim pilai ken.

“Sampela gutpela ekt we i bin kamap long las wik Sarere, Em Hannah Hola bilong Pot Mosbi odisen, Jack Spade bilong Lae odisen, Wild card Ian Whitey na planti moa.

“Long dispela Sarere, 9-pela fainel kontesten bai pinisim seken semi-fainel.”

Nico i tok, Yu Em Khax i painim aut planti manmeri husait i gat talen insait long PNG.

“Digicel pilai i laik long helpim ol manmeri husait i

gat talen long groim lokal entetenmen,” em i tok.

Las yia mipela i bin traim long givim sans long planti manmeri long pinisim taitel bilong PNG talen manmeri na mipela i amamas tru long pikim wina.”

Jas bilong so em redio man Kenny Havora, Olivia Rondeau, Steven Tau na Sera Pelek.

“Wina bilong so bai winim K20,000 na rana ap bai winim K10,000 na namba 3 ples bai winim K5,000.



# PIH Saveman Nius

"I kam long Pacific International Hospital Port Moresby"

Ph: 311 3000 and 799 88000 Website: www.pihpng.com

## Let our New Year resolution for 2017 be Cervical Health Awareness!

January is dedicated internationally to Cervical Health Awareness and there is an earnest call upon all of us to raise awareness about how women can protect themselves from HPV (human papilloma virus) and prevent cervical cancer.

In fact, the most frequent and important cause of Cervical cancer is the human papilloma virus (HPV).

HPV is passed from one person to another during sexual activity. It is so common that nearly all sexually active men and women get it at some point in their lives, but some women get cervical cancer.

Perhaps the most accurate statistics come from USA where they have been working hard since long to eradicate Cervical Cancer and almost succeeding. About 79 million Americans currently have HPV. Many people with HPV don't know they are infected. And each year, nearly 13,000 women in the United States get cervical cancer. But over the last 30 years, the cervical cancer death rate has gone down by more than 50%. The main reason for this is Cervical Health Awareness and Action. So, United States Congress designated January the month to "highlight issues related to cervical cancer, human papilloma virus (HPV) disease, and the importance of early detection."

In PNG, also, Cervical Cancer holds pride of place among the Big Three cancers in the country, the other two being Breast and Mouth.

### Now the good news!

The disease is virtually always preventable with vaccination and appropriate screening (Pap and HPV tests).

Let us resolve today that no woman in PNG should die of cervical cancer.

A Pap (devised by late Dr. George Papanicolaou, a Greek immigrant to USA) test can help detect abnormal (changed) cells before they turn into cancer. Most deaths from cervical cancer can be prevented if women get regular Pap tests and follow-up care.

How can Cervical Health Awareness Month make a difference?

We can use this opportunity to spread the word about important steps women can take to stay healthy; there's a lot we can do to prevent cervical cancer.

Here are just two good ideas:

Encourage women to make their well-woman visit to their doctor this year and do cervical cancer screening.

Talk to parents about how important



it is for their pre-teens to get the HPV vaccine. Both boys and girls need the vaccine.

### Screening Tests:

Two tests can help prevent cervical cancer or find it early—

- The Pap test (or Pap smear) looks for precancers, which are cell changes on the cervix that might become cervical cancer if they are not treated appropriately.

- The HPV test looks for the virus that can cause these cell changes.

The Pap test is recommended for women between ages 21 and 65, and can be done in a doctor's office or clinic. Women should start getting Pap tests regularly at age 21. If your Pap test results are normal, your doctor may say you can wait two years until your next Pap test. If you are 30 years old or older, you may choose to have an HPV test along with the Pap test. Both tests can be performed by your doctor at the same time. If your test results are normal, your chance of getting cervical cancer in the next few years is very low. Your doctor may then say you can wait as long as five years for your next screening.

Screening can find changes in the cervix before cancer develops. It can also find cervical cancer early – when it's small, has not spread, and is easiest to cure.

Another way to help prevent cervical cancer in the future is to have children vaccinated against human papilloma virus (HPV), which causes most cases of cervical cancer. HPV is linked to a lot of other kinds of cancer too.

The HPV vaccine is effective against the high-risk types of HPV that cause cervical cancer plus many anal, vulvar, and vaginal cancers and genital warts.

It is recommended for preteens (both boys and girls) aged 11 to 12 years, but can be given as early as age 9 and until

age 26.

Teens and young adults also need to get the HPV vaccine if they didn't get it as preteens.

Women up to age 26 and men up to age 21 can still get the vaccine.

HPV vaccines offer the greatest health benefit to persons who receive all 3 doses before they are exposed to HPV through sexual activity.

HPV Vaccine has been proven to be safe and well tolerated; the most common side effect has been soreness at the injection site.

Women with compromised immune systems (including human immunodeficiency virus (HIV) infection), also may be vaccinated through age 26 years.

Now some details which you can skip if they make you nervous! But I suggest you read on. Knowledge is power!

HPV vaccine protects against the types of HPV that most often cause cervical, vaginal, and vulvar cancers.

There are five main types of cancer unique to women: cervical, ovarian, uterine, vaginal, and vulvar. Of these five, cervical is the easiest to prevent with regular screening tests and follow-up; it's also highly curable when found and treated early.

All women have a certain risk for cervical cancer, but it occurs most often in midlife, between the ages 35 and 55. Cervical cancer rarely affects women under age 20, and approximately 20 percent of diagnoses are made in women aged 65 and older.

There are, however, some racial and ethnic disparities. The highest rates of cervical cancer are found in Hispanic women, followed by African American, white, American Indian/Alaska Native, and Asian/Pacific Islander women.

In terms of death rates, black women are more likely to die from cervical cancer than any other racial or ethnic group, followed by Hispanics, white, Asian Pacific/Islander, and American

Indian/Alaska Native.

The sad reason is that many black women unfortunately have limited access to treatment and diagnosis, attributed to cost, lack of physician referral, and cultural barriers.

HPV causes 99 percent of cervical cancer. Women have a higher risk of contracting the virus if they start having sex at an early age and/or have sex with several partners — or someone who's had several partners.

Overall, there are over 100 different types of HPV. More than 70 percent of cases are attributable to high-risk types known as HPV-16 and HPV-18. The Vaccine is directed at these types.

In addition to HPV, smoking, young age at first pregnancy, family history, diet, and oral contraceptives are possible risk factors for cervical cancer. Untreated infection with chlamydia can also increase risk. Not smoking makes it easier for the immune system to respond to infection. A diet rich in fibre, vitamins A, C, E, and otherwise fruits and vegetables is associated with 40 to 60 percent reduction in cervical cancer risk.

Studies indicate an increased risk among women who take oral contraceptives for five or more years, but the risk declines once OC use is stopped. The risk of cervical cancer is still very small, and that regular, appropriate screening is the key to preventing the disease.

Precancerous cervical cell changes and early stage cervical cancer do not cause symptoms, but more advanced cases might. Possible symptoms of more advanced disease may include abnormal or irregular vaginal bleeding, pain during sex and/or pain unrelated to menstruation, vaginal discharge, increased urinary frequency, and/or pain during urination.

These symptoms could also be signs of other health problems, not related to cervical cancer. If you experience any of the symptoms above, talk to a health care provider.

The pap test (smear), which only tests for cervical cancer and no other gynaecologic cancer, collects cells from the surface of the cervix and vagina in order to identify abnormal cervical cells that can lead to cancer if left undetected. At this time your doctor can also choose to collect samples of fluid around the cervix to test for chlamydia and gonorrhoea.

On the other hand, the HPV test is designed to detect only the virus; It can detect any of the high-risk types of HPV most commonly found in cervical cancer. Both the pap and HPV test are typically

done at the same by using a small soft brush to collect cervical cells that are sent to the laboratory, or the HPV testing sample may be taken directly from the pap sample.

Women suffer more frequent and serious complications from sexually transmitted infections [STDs] than men. These consequences can include pelvic inflammatory disease, infertility, ectopic pregnancy, pelvic pain, and cancer. In fact, approximately 24,000 women become infertile each year from undiagnosed and untreated STDs.

Cases of gonorrhoea, chlamydia, and syphilis have reached an all-time high in the U.S., and rising rates seem to be most prevalent for young people who are becoming increasingly sexually active at younger ages.

Now the closing note!

Let us start the New Year right—call your doctor today to discuss the HPV vaccine, cervical cancer screening, or to schedule a Pap smear.

### Article contributed by :

**Dr. Mathias Sapuri, OL MBBS, DRACOG, DRACGP, DGO, Associate Member RANZCOG, CertFP, CertNSV, CertDU, MMEDO&G, MAMEWPR, MWFME, FACRRM, FACTM Senior Consultant Obstetrician Gynecologist United Nations In Country Physician**



**Dr Onnie Rageau MBBS, MED (OBS & GYN) Consultant - Obstetrician & Gynaecologist**



**Dr. Venkita S Suresh, MD, D.Card (Lon), FRSM (Lon), FACP, FCCP, FICP, FICC. Medical Director, Pacific International Hospital**



**ANGIOPLASTY NOW AT 40% DISCOUNT**



\*Terms & Conditions Apply

**PIH ANNOUNCES A SPECIAL PRICE OF KINA 6000 ON CORONARY ANGIOGRAM AND 20% DISCOUNT ON CORONARY ANGIOPLASTY\*.**

VALID FOR SESSIONS BETWEEN JAN 26<sup>TH</sup>- JAN 30<sup>TH</sup> ONLY.

**HURRY & PRE-BOOK TODAY!**  
FIRST COME, FIRST SERVE ONLY

**BOOK NOW CALL US AT 7998 8000 EXT 135**



# Polye toktok egensim mariwana na hombru



Oposisen Lida Don Polye i redi long toktok long ol pipel long Kundiawa, Simbu.

**OL manmeri long Simbu i sanap strong long wokbung wantaim na rausim mariwana na hombru insait long sosaiti.**

Long las Fraide, planti ol manmeri i mekim tok promis long ai bilong Oposisen Lida Don Polye

long Kundiawa taun.

Planti manmeri i tok ol i les long dring stim na smokim mariwana. Dispela em i tok promis bilong ol long nupela yia.

Simbu Yut Grup i bin askim Mista Polye long kamap olsem Gest Spika taim ol i bin

kamapim wanpela bung long statim wokbung bilong ol wantaim polis long rausim mariwana na stim insait long komyuniti.

Taim ol manmeri, ol ples lain, ol liklik pikinini na stim na ol lain bilong smok mariwana i harim olsem

Mista Polye i kam, ol i bin wanbel tru long lukim em i kamap ges spika.

Mista Polye i tok tenkyu long ol manmeri Simbu i wanbel long lusim dispela pasin no gut na statim nupela yia wantaim nupela laip.

“Mariwana i bagarapim humen risos bilong dispela kantri. Em i bagarapim famili veliu na ol bagarapim gutpela sindaun bilong ol yangpela manmeri,” Mista Polye i tok.

Mista Polye i no wanbel long Gavman i pasim National Narcotics Bureau (NNB).

“Mi no wanbel long gavman i pasim NNB taim planti yangpela manmeri i kisim mariwana na stim,” Mista Polye i tok.

## Yunaitet Nesen Kantri tim wari long ol Refuji

YUNAITET Nesens (UN) sistem long Papua Niugini i gat bikpela wari long ol ripot we i bin kamap long niuspepa i no longtaim i go pinis, long pasin we ol polis na ol Imigresen opisa i bin mekim long tupela asailum sika o refuji long Manus ailan.

UN tim long kantri i tokaut long displa wik olsem pasin we ol polis na imigresen opisa i mekim long paitim na holim pasim wanpela bilong ol man long 31 Desember, 2016 na tu long 13 Januəri we ol polis i holim wanpela



Helt bilong ol pipel i kamap gut wantaim moa nes i kisim skul. Dispela em i haus bilong Prinsipel bilong Salamo Skul ov Nasing Prinsipel.

man gen nating na i sasim long wanpela rong em i brukim lo rait bilong ol refuji na asailum sika.

Ol asailum sika long Manus Ailan em ol pipel we i no gat graun na ol i no gat

ples na ol i gat spesel lukaut aninit long intenesenel human rait na refuji lo.

PNG em i memba long intenesenel konsensan na aninit long Konstitusen, em i gat asua long banisim ol

rait bilong ol kain pipel na i no ken luk daun long ol o bagarapim ol na i no ken pasim rot bilong ol i kisim stretpela kot, helt sevis, na rait long stap fri na no ken kisim kain kain bagarap long bodi bilong ol.

UN tim i tok ol i laikim gavman long hariap long mekim wok painimaut long ol dispela stori we i kamap long ol lo man i yusim strong bilong ol long bagarapim bodi bilong ol dispela asailum sika na bringim ol man i mekim rong i kam long kot.

## Buyebi haus kalabus i pulap

BUYEBI haus kalabus long Sauten Hailans Provins i pulap long planti kalabus man na dispela i nidim moa spes.

Spes bilong holim ol kalabus manmeri long Buyebi em i 150 tasol. Asisten Komisina bilong polis long hailans rijon, Kaiglo Ambane, i tok dispela i no gutpela sain.

Mista Ambane i tok planti kalabus man i save brukim banis na

go aut taim spes i pulap.

Em i tok Buyebi inap long gat 80 woda manmeri. Tasol em i gat 40 tasol.

“Namba bilong kalabus manmeri i abrusim 150 pinis. Tasol namba bilong ol woda manmeri i stap aninit long 40.

“Dispela em i no gutpela samting. Gavman i mas luksave long dispela samting ariap,” em i tok.

Mista Ambane i tok planti ol kalabus manmeri bilong Hela i save go stap long Buyebi bikos Hela i no gat haus kalabus.

Hawa haus kalabus long Hela i pas bihain long bikpela pait namel long Hawa na Ajako wan pisin i bin kamap long yia 2005.

Long wankain taim Ekting Gavana bilong Hela, Francis Potape, i singautim gavman long opim Hawa haus

kalabus.

Mista Potape i tok pait na trabel bai no inap kamap long Hela sapos Hawa haus kalabus i op gen.

“Mi laik askim Minista bilong Koreksensel Sevis long luksave olsem Hela i nidim haus kalabus. Hawa haus kalabus mas op gen.

“Mi redi long givim wanem kain sapot em i nidim,” Mista Potape i tok.

## UPNG bisnis skul i kamapim Masta program



SBPP Eksketiv Din, Profesa Lekshmi Pillai (hankais) i tok strateji bai mekim skul i yusim ol nupela infrastraksa we i kamap aninit long Pasifik Lidasip na Gavanens Precinct.

YUNIVESITI bilong Papua Niugini bisnis skul i kamap pinis wantaim wanpela nupela Mastas program long lukim moa sumatin i greduet wantaim lidasip skil.

Dispela Masta ov ikonoms na Pablik Polisi bai stat long dispela yia na em bai kamapim ol profesenel long gavman, praivet sekta na Non Gavman Ogenaisesen wantaim trupela save long mekim wok.

Dispela nupela digri inap long kamap wantaim helpim bilong Pasifik Lidasip na Gavanens Precinct, em i plaksip invesmen bilong Papua Niugini na Australia patnasip.

Nupela Masta program i go wantaim developmen bilong Yunivesiti bilong Papua Niugini Skul bilong Bisnis na Pablik Polisi 5 yia statejik plen long soim rot bilong skul i go inap yia 2021.

Dispela 5 yia stateji bai

yusim ol nupela bilding we UPNG i bin kamapim pinis aninit long pantnasip wantaim Pasifik Lidasip na Gavanens Precinct.

Olgeta wokman na meri long Skul bilong Bisnis na Pablik Polisi i bin wokim wanpela tupela de plening ekksesais long tok-save long nupela strateji we i gat nupela Masta program na nupela lukluk long wok bilong risets.

Eksekutiv Din Profesa Lekshmi N. Pillai i tok stateji i bin hap bilong wanpela bikpela moa visen long strongim Skul bilong Bisnis na Pablik Polisi olsem wanpela nupela skul bilong bisnis na pablik polisi long Asia-Pasifik rijon.

“Mipela i go pas tru lng bisnis na pablik polisi skul long Papua Niugini na mipela i laik go het long kamapim kwaliti bilong lainim na risets we i save kamap long hia.

“Long 2019, mipela bai i go insait long wanpela

nupela bilding wantaim gutpela fasiliti bilong skul na planti moa akademik program long go wantaim,” Profesa Pillai i tok.

Skl bilong Bisnis na Pablik Polisi em wanpela bilong ol Pasifik Lidasip na Gavanens Precinct ki institusen patna we i save givim ol andagreduet na pos greduet kos long inapim nid bilong pablik na praivet sekta.

Em i wanpela wok bung bilong Gavman bilong Papua Niugini wantaim Australia long trenim ol gutpela pablik sekta lida wantaim gutpela tingting na pasin bilong wok (ethical).

Yunivesiti bilong Papua Niugini em i wanpela lida bilong Akaunting, Bisnis, ikonoms, Pablik Polisi Menesmen program long andagreduet level na Bisnis Edministresen, Human Risos Menesmen, Statjeik Menesmen na ikonoms na Pablik Polisi long Masta level.



Wokshop i kamap wantaim helpim bilong Pasifik Lidasip na Gavanens Precinct na em bai kamapim nupela 5 yia stateji bilong SBPP.

# iMarket laik helpim kendidet long 2017 Nesanel Ileksen



iMarket PNG Ltd em i nupela midia kampani.

### Aja Potabe i raitim

**WANPELA** nupela midia kampani i redi long helpim ol kendidet husat i laik sanap long 2017 Nesanel Ileksen.

iMarket PNG Limited i redi long lonsim nupela prodak bilong em long helpim ol memba, gavana na ol intending kendidet long mekim ileksen kempen plen.

Nem bilong dispela nupela prodak em i Ileksen Midia Kempen Strateji (EMCS).

Menesing Dairekta bilong iMarket PNG, Samuel Raitano, i tok kampani bilong em i laik helpim ol kendidet i mekim gut ileksen plen wantaim liklik mani na pairapim nem bilong ol long taim bilong kempein.

Mista Raitano i bin pastaim wok olsem wanpela senia ripota long National, Post Courier, PNG FM, FM 100 na EMTV.

Em i lusim wok long las yia Novemba na statim dispela nupela midia konsalten kampani bilong em.

Mista Raitano i tok dispela nupela EMCS prodak i ken helpim ol kendidet long daunim mak bilong kamapim hevi na birua long taim bilong kempen.

“Planti taim ol kendidet i save westim bikpela mani long kilim pik, haiaim kar, bungim ol manmeri na givim mani long ol manmeri long taim bilong kempen na nesanel ileksen taim.

“Dispela kain pasin em i stap pinis long sistem bilong politiks long PNG.

“Tasol em i save bringim hevi na trabel tu i kam. EMCS em i wanpela nupela plen bilong daunim hevi na trabel,” Mista Raitano i tok.

Em i tok EMCS i bai daunim level bilong hevi na birua long laip bilong ol manmeri long taim bilong mekim ileksen kempein.

Mista Raitano i tok iMarket i kamapim dispela nupela plen bilong mekim ileksen kempein i kamap isi na larim ol kendidet i sevim mani, sevim taim, daunim level bilong birua na hevi, na



Menesing Dairekta bilong iMarket PNG, Samuel Raitano.

winim ileksen tu.

“Dispela EMCS plen i ken bringim planti gutpela samting long helpim ol kendidet na bai helpim ol kendidet long sevim mani,” em i tok.

### EMCS em wanem?

Mista Raitano i tok EMCS i yusim redio, TV na niuspepa long mekim ileksen kempein plen.

Em i tok kain kain nupela teknoloji i kam pinis long kantri.

“Mobail fon i kam, iPad i kam, bum bokis i kam, fles draiv na memori kad i kam insait long kantri. Planti manmeri, yangpela skul pikinini, ol ples manmeri na olgeta lain i save long yusim ol dispela teknoloji.

“Kampani bilong mi laik kamapim nupela stail bilong yusim ol dispela teknoloji na mekim ileksen kempen.

“Wanem samting long toktok long radio o TV o niuspepa, em i

wok bilong mipela ol nius manmeri. Mipela bai helpim ol kendidet long yusim gut ol dispela samting wantaim tenknoloji long mekim gut ileksen kempein bilong ol,” Mista Raitano tok.

### EMCS pas i go aut pinis

Mista Raitano i tok iMarket i salim i go aut sampela leta o pas i go aut pinis long sampela ol kendidet husat bai sanap long 2017 Nesanel Ileksen.

“Mipela i stretim pinis ol leta o pas long givim i go long ol kendidet husat bai sanap long ileksen. Sampela ol i kisim leta bilong ol pinis.

“Dispela pas i givim moa toktok long EMCS. Em i tok long wanem ol samting ol kendidet i mas mekim long winim ileksen.

“Sapos yu wanpela kendidet husat i laik kisim wanpela pas, orait yu ken toksave long mipela,” Mista Raitano i tok.

### Kantri sot long mani

Mista Raitano i tok PNG i

bungim bikpela hat taim bikos kantri i sot long mani.

“Yumi i sot long mani. iMarket PNG i luksave olsem ol kendidet tu bai sot long mani long ranim ileksen kempen.

“EMCS plen bilong iMarket bai helpim ol kendidet long daunim mak bilong yusim mani long ileksen taim.

“Midia bai mekim olgeta kempen, na ol kendidet bai yusim liklik mani tasol. Ol i ken sevim sampela mani long mekim arapela investimen bihain long ileksen taim,” Mista Raitano i tok.

iMarket PNG i autim tingting long sampela ol biknem kendidet husat bai sanap long 2017 Nesanel Ileksen.

Mista Raitano i singautim ol kendidet long lukim iMarket long kisim dispela helpim.

“As tingting em long larim 2017 Nesanel Ileksen i ran gut. No gat wanpela birua o hevi i mas kamap.

“Yumi olgeta mas wok bung wantaim long larim pisful ileksen i kamap long kantri bilong yumi,” Mista Raitano i tok.



Kava Pes bilong EMCS Ileksen Kempen Plen.

# Komanda tok wok long Hela i bikpela tru

## Stori kam long PNG Main Was

**KOMANDA bilong polis operesen long stopim trabel long Hela provins i tok ol i gat bikpela wok i stap long provins long lo na oda na bai ol i no inap long pinisim hariap.**

I gat 300 poliman na ol soldia nau i stap long Hela provins we bikpela LNG projek i stap long en, bihain long ol trabel pait i stap longpela taim wantaim ol gan.

Polis Operesen Komanda, Asisten Komisina David Manning, i tok namba wan step em long ol polisiman na ol soldia long go aut long provins na traim long rausim ol-geta gan we i no gat laisens long han bilong ol man.

Em i tok wok bai bihainim dispela em long traim na bringim wanbel i kamap namel long ol lain i wok long pait na long bringim bilip gen i go bek long provinsal gavman we em i tok bai nidim ol pipel bilong Hela long stap wantaim.

"Dispela operesen i stap long han bilong ol pipel bilong Hela na long wei mipela ranim operesen long wok gut wantaim ol pipel long stretim sindaun bilong ol long bihain i kamap gut."

Mista Manning i tok sekyuriti operesen em i wanpela hap tasol bilong bringim lo na oda i kam bek long Hela.

"Insait long planti yia ol pipel bilong Hela i tingting olsem nesanel gavman i lusim tingting long ol pinis, na i no lukluk moa long ol sosol na ikonomik sindaun bilong ol pipel long hia, olsem na em i kirapim belhat long ol long nesanel, provinsal na distrik level," Mista Maning i tok.

Mista Manning i tok olsem namba wan samting em long bringim bek bilip bilong ol pipel long gavman, long wanem ol pipel i bagarapim ol gavman risos long provins, na dispela em i hevi we i stap longpela taim pinis na ol i mas stretim nau.



LNG Projek opis, Hela Provins. Poto: RNZI / Johnny Blades

## Manmeri no wari moa long lo na oda: Roche

### Paul Zuvani i raitim

MANMERI i no wari moa sapos i gat lo na oda, o nogat, Pater Victor Roche, SVD, Jeneral Sekretari bilong Katolik Bisop Konfrens bilong Papua Niugini na Solomon Ailan i tok.

Em i tok manmeri i no inap wari sapos birua i kamap long wanpela o nogat, ol bai sanap na lukluk tasol.

Em i mekim dispela tok bihain long 5-pela raskolman i bung, holim pasim em long Gordons Maket, Pot Mosbi na kisim ol samting long han bilong em taim ol manmeri husat stap, i sanap na lukluk tasol long em long las wik Sarere.

Em i tok bihain long ol raskolman i kisim samting, ol i wokabaut isi namel long ol narapela manmeri na wokabaut i go.

Bihain sampela man i go na tok sori long em long pasin nogut i kamap.

"Mi no save wanem kain sosaiti Papua Niugini i laik go long em?" Fr Victor i askim.

"Ol man husat i bagarapim laip bilong narapela i no moa wari sapos ol i bagarapim o nogat?"

"Pasin bilong luksave, sore na laik i pinis."

Fr Victor i tok i luk olsem sosaiti i kamap long mak we ol man husat i mekim pasin nogut, i ken mekim long laik long wanem ol narapela manmeri i no inap tok nogat o pasim ol.

Em i tok yes dispela ol man i go fri tasol ol bai go bek o go het yet long mekim dispela pasin nogut.

Em i tok ol i no wari sapos lo i painim ol o ol narapela manmeri bai holim pasim ol.

Askim sapos long wanem as na



Fr Victor Roche, SVD, Jeneral Sekretari, Katolik Bisop Konfrens bilong PNG na Solomon Ailan.

kain pasin i kamap Fr Victor i tok dispela em bikos manmeri yet i larim long kamap.

I bin gat sekyuriti gad tasol em tu i stap tasol na i no mekim wanpela samting.

Fr Victor i tok dispela sekyuriti gad i go holim em na tok, "Sori. Em ol drag bodi."

Tasol pater i tok maski dispela ol man i drag bodi o no gat, bikpela wari em ol man i no gat pret long mekim pasin no gut na manmeri tu i no inap long pasim ol.

Long Mande dispela wik tu tupela meri BSP kastoma husat i go pakim kar ausait long benk long Boroko na i go insait tasol baksait long ol, ol stilman i go opim kar long ai bilong ol manmeri na kisim samting bilong ol.

Ol i tok raskol i kisim laptop wantaim draiving laisens, mani, benk kad na ID kad na ol arapela samting wantaim bilum.

Tupela meri i ripot long dispela long Boroko polis tasol polis i no bin mekim wanpela samting.

Ol i no amamas na i tok no gat gutpela lo na oda pasin i stap long komyuniti.

## Human Rait Difenda kisim trening

### Josiah Ururu Kana i raitim

TWENTI-SIKS Human Rait Difenda (HRD) o ol lain husat i save pait long rait bilong ol pipel na na sapotim ol sevaiva o ol lain husat i bin kisim birua long han bilong ol narapela man na ol meri na man husat i bin kisim bagarap long Jenda Bes Vailens (GBV) long ol komyuniti bilong ol, i statim wanpela trening long dispela wik Tunde long Lamana Hotel, Pot Mosbi.

Planti bilong lain i kamap em ol meri we i save stap long ol komyuniti bilong ol long Pot Mosbi na ol bai stap long trening inap tupela wik we Yunaitet Nesens Wimen ejensi (UN Women) bai go pas long en wantaim patnasip bilong Nesanel Kepital Distrik Famili Seksual Vailens Eksen Komiti (NCD FSVAC) Seketeriet.

UN Women Kantri Representtiv, Dokta Jeffery Buchanan i tok tupela wik trening program we ol i bin lonsim long Tunde dispela wik em i hap bilong UN Women Seif Siti Program na dispela em i namba wan trening bilong givim moa save long ol Human Rait Difenda long kisim ki save na infomesen long sapotim ol long kain wok ol i mekim we inap long painim birua tu.

"Ol HRD em ol komyuniti bilong ol yet i givim nem bilong ol bikos ol i save lukim ol i helpim ol lain husat i save kisim bagarap long Jenda Bes Vailens," em i tok.

"Ol i kam long ol maket eria olsem Koki, Gerehu na Gordons na ol bai kisim trening long kamap olsem ol wokmeri bilong Komyuniti Riferel na Mnetoring Sevis tim, na kisim ol sevaiva o ol lain husat i kisim bagarap long vailens i go long haus sik, na long givim ol spes, edvais na long putim laip bilong ol yet i

go long birua long helpim ol dispela lain meri long jenda bes vailen na tu ol pikinini," Dokta Buchanan i tok.

Trening program bai karamapim ol toktok bilong keis menesmen, legal fremwok, riferel patwe o rot bilong mekim riferel, na long go long ol ki ejensi we i save wok wantaim Jenda Bes Vailens sevaiva long ol i ken kisim klia save long ol proses bilong helpim ol tarangu olsem.

Dokta Buchanan i tok bai i gat wanpela stat bilong dispela program i

kamap long Februeri long wanpela kot haus we ol HRD bai mekim tok promis lng helpim ol sevaiva bilong GBV na mekim wok bilong kamapim stretim pasin long helpim ol.

Em i tok, ol HRD bai wokabaut long bihainim ol riferel rot insait long ol komyuniti bilong ol yet tolsem Koki we bai wok wantaim Badili polis stesin, Badili klinik, seif haus, lokal viles kot na ol narapela helpim.

Ol trening bilong ol dispela ejensi bai kamap long mun Mas.



Ol meri Human Rait Difenda i kamap long trening long Lamana Hotel long Tunde dispela wik. Poto: Josiah Ururu Kana.



# Uni fos i putim bikpela tambu

Shirley Gar i raitim  
UPNG Jenelisim sumatin

Ol sekyuriti opisa bilong Yunivesiti bilong Papua Niugini (UNIFOS) i bin putim bikpela tambu tru long ol sumatin na man nating long i go insait long kempas long taim bilong holide las mun.

Ol tisa bilong UPNG tasol wantaim ol arapela wokman na meri bilong yuni i wok long i go insait tasol ol i mas soim ID kat o mekim kilarens long sekyuriti bes.

Wanpela Unifos sekyuriti husat i no laikim kolim nem bilong em, i tok ol mekim dispela bikos long hevi bilong bipo we ol ausaita man i save go nating insait long skul na mekim ol bagarap long skul propeti.

“Em tok tu olsem, dispela yia, Uni fos wok hat tru long aplaim sekyuriti fos long kontrolim sefti bilong skul, sumatin, tisa na ol arapela wok manmeri bilong skul.

Olgeta sumatin husait i kam bek long pinisim akedemik yia



Ol sumatin i soim ID kat long UPNG mein geit.

long Mande 16 Januери, i mas soim ID kat na i go insait long kempas.

Planti sumatin tru i bin kamap wantaim ID kat bilong ol long sekyuriti bes bikos ol i bin les long Sekyuriti i salim ol

go bek. Ol PMV na ausait kar tu i tambu long i go insait long kempas.

Dispela strongpela sekyuriti tambu tu i kamap long haus kuk bilong ol boding sumatin we ol i bin kisim nupela pinga

prin bilong olgeta boding sumatin we i mekim olsem boding sumatin tasol bai inap long i go kaikai insait long hauskuk na nogat man nating o dei sumatin bai i go kaikai.

# Ol UPNG sumatin i rere long pinisim 2016 akedemik yia

EKTING rejistra bilong yuni- vesiti bilong Papua niugini(UPNG), misis Jennifer Popat i tokaut long wanpela sekula olsem mandei 16 Januери 2017 em i ofisel deit bilong statim ol klas, we em i wik 7 bilong semesta 2 bilong 2016 na bai i no gat malolo wik

Dispela deit em i stat bilong pinisim seken hap bilong semesta 2 bilong 2016 .

Ol sumatin i bin i go long wanpela mun holidei las yia desemba long kamek long skul long Mande 16 Januери 2017 we i lukim olsem ol sumatin we i save slip long skul



dometri las yia, i bin go kisim sem rum ki bilong ol na muv i go insait.

Ogeta sumatin husait kamap long geit bin wet wantaim kago bilong ol na bas bi-

Ol sumatin wantaim kago bilong ol i wetim bas long sekyuriti geit.

long skul i kisim ol na lusim ol long wanwan dometri bilong ol.

# IBS i kamap yunivesiti

Shirley gar i raitim  
Upng Jenelisim sumatin

INSTITUT bilong Bisnis Stadi(IBS) i nau kamap Yunivesiti bihain long ofisel endosmen kam yet long dipatmen bilong Haia Edukesen Rises Sains na Teknoloji (DHERST) olsem wanpela praivat sekta yuni- vesiti taim Nesanel Yunivesiti Kaunsel(NEC) i pasim disisen long namba wan de bilong Desemba 2016.

IBS i stat givim kwaliti trening bilong akaunten, bisnis na infomesen teknoloji 28 yia insait long kantri pinis na em i karim kaikai nau.

Long 25th Julai 2007, IBS i bin stap olsem wanpela institut bilong haia Edukesen tasol Bi-



Faunda na Siaman Sir Mick Nades (namba 2 long Iephan) bilong IBS Yunivesiti i toktok long pres konfrens long Tunde dispela wik long IBSU-5mile.

hain long bikpela hatwok na komitmen bilong IBS i mekim tingting bilong kamap senis Yunivesiti i kamap tru.

Antap long olgeta develop- men bilong IBS, dispela em i bikpela samting tru we skul i

kisim bihain long longpela hatwok olsem na olgeta sumatin, papamama, poroman na olgeta IBS komyuniti i ken serim dispela hamamas wantaim. “I bin kisim olsem 28 yia olgeta long hatwok na komit-

men long kamapim dispela visen, Faunda na Siaman bi- long IBS Yunivesiti Sir Mick Nades i tok.

“Mipela i painim pinis insait tinting bilong dipela visen, long kamapim gutpela sindaun insait long wol klas edukesen, trening na rises. Long kamapim gutpela laip, fokus bilong mipela tu sift long tisa lanim i go long independen sumatin lanim we bin stat long las yia. Dispela senis bai mekim yumi long kamap gutpela yunivesiti insait long Saut Pasifik,” Sir Nades i tok.

Em i tokaut tu olsem IBS Yunivesiti bai tisim ol dikri pograms tu long namba wan taim long dispela yia 2017.



# Gutpela 2017 bai i kam nating?

TAIM yia 2016 i go daun long Sarere 31 Desemba, planti bilong yumi i no save tingim wanem. Yumi go aut na kisim bia, go danis, na mekim planti nois na lus tingting dispela las de na aua bilong 2016 i min wanem tru long yumi.

Mi tingim taim mi liklik mi save harim ol tumbuna bilong mi i save paitim garamut bilong sori. Ples i save nogat nois na sori garamut i save pairap inap klostu 30 minit.

Tumbuna man i save stori na tok olsem em i paitim garamut long tenkyu long gutpela yia i go pinis. Em i tok tenkyu long planti kaikai, gutpela sindaun na no gat bikpela birua i painim em na ol pipel bilong em. Em i paitim sori garamut bikos dispela gutpela yia i go nau na em i no save nupela yia bai i bringim wanem kain taim na sindaun long em na ol pipel bilong em.

Nau long dispela taim yumi save holim wanpela botol bia long han na yumi tok bai yumi senis. Yumi tok bai yumi tambuim sampela samting olsem bia o buai o smuk.

Mi tingim wanpela yanpela papa long Lae i bin traime hat tru long stap olsem gutpela papa bilong pikinini tasol olgeta taim em i save paitim meri bilong em. Olgeta taim i gat liklik kros wantaim meri em i save hariap tru long apim han na bagarapim nus pes bilong meri.

Wanpela astingting bilong laip em long amamas olgeta taim.

Sapos dispela yangpela man i lukluk bek em bai i amamas long em yet olsem em i bin mekim famili bilong em i amamas? Em bai i sem tru long ol pasin bilong em. Tasol no gat. Em i yusim bia na spak brus olsem marasin bilong haitim sem bilong em.

Isipela samting dispela yangpela man i ken mekim em long tok stori long meri bilong em na promis bai em i no ken paitim em gen. Haitim sem bai i no helpim em long senis.

Mi tingim wanpela yanpela man long Kainantu. Em i bin krangki wanpela taim na polis i holim em na kalabusim em. Taim em i kam ausait gen em i tok sori long em yet. Em i tokim em yet olsem em i fama bilong kapis na i no mariwana.

Mariwana i bin putim em long han bilong polis na em i bin lusim taim bilong em long mekim mani sapos em i bin stap ausait na salim ol kapis bilong em long maket.

Wanpela bikpela samting tru we i salensim planti yumi long taun na siti em pasin bilong laikim wanpela na narapela wantaim rispek. Planti yumi i laikim narapela bikos em i gat naispela bodi o em i gat planti moni. Planti yumi i no save lukluk long pasin bilong narapela na traime long painim rot long wok wantaim dispela pasin long painim gutpela sindaun. Yumi ting gutpela sindaun em i save kam nating tasol.

Tingim. Sapos 2016 i no bin bringim amamas bai yumi larim olsem tasol? Yes i tru, yumi no save wanem samting bai i kam long yumi tasol yumi bosim bodi bilong yumi na olgeta samting yumi mekim yumi yet i mas skelim gut pastaim na bihain yumi mekim.

# Teksi draiva bai promotim sefti bilong ol meri

Sapta 2  
...moa yet long hap 1 (BANANA)  
Kaikai bilong givim strong

## BANANA

### Tok i go pas

Banana i stap pinis long planti hap bilong Papua Niugini. Long ples drai olsem Markham na Cape Vogel na long nambis bilong Papua, banana em i namba wan kaikai bilong ol. Long planti arapela hap bilong Papua Niugini ol i gat banana tu. Long Hailans tasol long ples i antap tru na i kol tumas, banana i no save kamap gut. Long hap bilong Rabaul, graun bilong wokim gaden i sot, olsem na banana i save helpim ol gut tru.

Long banana i gat planti samting bilong givim strong nating long bodi (ol saveman i save kolim stas). Banana i no gat planti samting bilong helpim bodi i kamap bikpela na i gat liklik tasol bilong was long sik (olsem vitamin na mineral).

### Tok bilong tupela kain Banana


Bipo, ol Papua Niugini i gat kain banana olsem namba wan piksa i soim.

Rop i kamap longpela tasol i no gat planti kaikai bilong en, wanpela o tupela han tasol. Na as bilong en i no save stap longpela taim. Ino save winim 2-pela yia.

### Lukim long piksa daunbilu.

1. Banana bilong ol tumbuna. Em i swit. Tasol em i no inap karim planti kaikai. Na as bilong en i no save stap gut planti krismas.

2. Ol dispela kain banana i kam long arapela kantri. Ol i karim planti kaikai, na as i save stap gut planti krisma



MOA long 60 teksi draiva na opreta i mekim komitmen o promis long stopim pasin bilong mekim nogut long ol meri na promotim sefti long ol teksi insait long Pot Mosbi.

Dispela i bihain long wanpela bung bilong Jenda na Humen Rait we Yunaitet Nesen meri (UN Women) i bin holim long las wik.

Ol man makim ol teksi kampani olsem Comfort Teksi, Kenny Teksi sevis, City Loop,

na ol indepeden opreta husat i kamap long trening i toktok long isu bilong sefti bilong ol meri insait long Pot Mosbi, na wok bilong ol lo i givim sefti i go long ol meri.

UN program speselis bilong ol meri, Bessie Maruia i tok planti meri insait long Pot Mosbi nau, i wok lo yusim teksi long wok bilong ol long wan wan de, olsem na ol teksi draiva tu i mas lukautim ol.

Papa bilong Kenny Teksi,

Wek Kewa i tok tenkyu i go long UN meri long komitmen bilong ol long pinisim vailens long ol meri.

Em i tok tu olsem, em i wok bilong olgeta man long lukautim meri.

“Dispela em ol mama na susa bilong yumi na yumi bai no nap tanim baksait long dispela isu,” Mista Kewa i tok.

“Yumi mas mekim samting stret long lukautim ol meri husat i raun long pablik o stap

long haus tu,” Mista Kewa i tok.

Dispela trening we gavman bilong Australia i givim, em i hap bilong UN meri seif pablik trenspot projek wok bung wantaim ol pablik kar (PMV) trefik atoriti (RTA) na Nesenel kapitel distrik komisen (NCDC).

Wankain trening tu bilong ol PMV draiva na opreta i bin kamap long namel bilong yia, na long las yia we ol i bin promotim tu sefti bilong ol meri husat i yusim pablik trenspot.

## Ol papamama i kirap nogut long pikinini meri

TUDE, ol meri i wok long go insait long ol wok we pastaim, ol man tasol i save mekim.

Dispela em ol wok olsem kapenta, mekanik, wok long sip, wok long ami, pailot, dokta, loya na sampela arapela moa.

Long open de las yia, ol papamama i bin kamap long Open De bilong Sen Joseph’s Vokesenel Teknikel skul long Goroka Daiosis, Isten Hailans provins

long lukim wanem samting ol pikinini bilong ol i lainim na kamapim long ol wan wan tred na eria ol i skul long en.

Sen Joseph’s Vokesenel Teknikel skul i no kisim Tusen Fri Fi (TFF) insait long las tupela yia, tasol em i opret yet.

Dispela em long helpim bilong Goroka Katolik daiosis na ol gutpela pren long kantri



Tupela pikinini meri i skul kapenta long Sen Joseph’s Vokesenel Teknikel trening skul, Goroka, Isten Hailans.

Poto: Bomai D Witne

Itali husat i donetim mani long fanim ol skul projek na opre-

sen bilong skul.

Ol sumatin i speselais long

wok kapenta o kamda na ol arapela eria.

Ol i bin putim aut ol mita bokis, singel, dabol na ol famili sais bet, ol kopi tebol, bukselp,

Wanpela samting we ol papamama i bin kirap nogut tai mol i go long Open De em long lukim tupela pikinini meri i skul kapenta long hap na putim ol yakka yunifom. Tupela meri i skul wantaim 26 sumatin man na i wokim namba tu yia skul kapenta.

Plantu ol pikinini meri husat i save skul long ol eria olsem ol kapenta, mekanik na ol hevi fita masin i save mekim gut stret.

Olsem na dispela i ken strongim ol pikinini meri olsem ol tui gat wankain save olsem ol man, na ol i ken mekim gut moa tu.

## Was long nupela meri stori muvi long HBO

WANPELA nupela muvi bilong ol meri bai kamap long HBO long neks mun, Febueri 19.

“Big Little Lies” em taitel bilong dispela nupela muvi na em bai kamap long siris, o wan wan hap insait long wanpela wik.

Tupela biknem meri muvi ektres na tupela taim Akademi wot wina, Nicole Kidman bilong Australia na Reese Witherspoon, i kamapim dispela muvi.

Muvi i stori long ol meri i sapotim wanpela narapela na dispela e mi bikpela samting long tupelo bikmeri i kamapim dispela muvi, Mis Kidman i tok.

Mis Witherspoon i bin tokim ol ripota olsem ol i bin wokim ol longpela intaviu long askim na kisim ol stori bi-



Mis Witherspoon

long ol meri long olgeta eria bilong laip, na tu filmim ol o kisim ol piksa bilong ol dispela meri.

Mis Kidman na Mis Witherspoon i kamapim dispela muvi siris wantaim ol narapela meri ekta em, Jean-Marc Vallee (Wild), Bruna Papandrea

(Gone Girl) na Andrew E Kelly (Ally McBeal).

Ol i kamapim projek ya bihainim novel o buk bilong Liane Moriarty na taitel bilong buk i wankain olsem muvi taitel tasol.

Buk i stori long wanpela mama grup long ples Monterey long California, Amerika we laip bilong ol long pastaim na nau i stap insait long wanpela “murder” stori o stori bilong kilim dai narapela.

Mis Kidman i tok stori i soim pasin long ol meri i sapotim wanpela narapela, nae m i bikpela samting long tupela bikmeri husat i kamapim dispela muvi.

Em i tok em i amamas long kamapim dispela muvi bikos senis i mas kamap.

“Na yumi mas lukim ol meri

long trupela piksa bilong ol insait tu long muvi,” Mis Witherspoon i tok.

Mis Witherspoon i tok em i pilim olsem planti meri i gat bikpela save, tasol ol i no yusim gut dispela save. Ol i save pilaim hap bilong ol gelpren na ol meri bilong ol (man). Na em i les pinis long dispela.

Wanpela ripot bilong yia 2015 long Amerika i soim olsem long ol top muvi namel long yia 2007 inap long 2014, bikpela mak bilong ol meri ekta i no ektim ol hap bilong toktok.

Mis Kidman i tok olsem muvi produsa, em i amamas long kisim ol meri ekta i ken pilaim planti rol o hap insait long muvi.

# BSP givim ol wara tenk long helt senta

**BENK Saut Pasifik i bin givim ol wara tenk i go long Gagan Helt Senta long Buka, Atonomas Rijon bilong Bon-genvil long Desemba 29, 2016.**

Em i wampela gutpela komyuniti projek we BSP i mekim. BSP Buka Brens Menesa Julie Warren i askim ol wokman na wokmeri bilong Helt Senta na Gagan komyuniti long lukautim gut ol samting ol i givim long komyuniti, long taim bilong givim ol dispela tenk i go.

“Mipela laikim wanem samting mipela i givim bai helpim komyuniti na mekim senis we bai stap longpela taim.”

BSP Buka Tim i givim ol samting bilong slip olsem matres na pilo long helt senta tu.

Mis Warren i tok tenkyu long ol lida bilong ples long givim sans long BSP long kamapim dispela projek aninit long BSP Komyuniti Projek Program.

BSP i save wokim ol wankan Komyuniti Projek long olgeta hap bilong kantri na long ol rijon we BSP i save wok long en wantaim wan wan brens ol i gat. Komyuniti Projek bilong BSP i save lukluk lon ghelzim wok bilong Edukesen, Helt, ol Spot, Envairomen na ol narapela komyuniti wok olsem.



Gagan komyuniti Memba, Josephine Kevau i kisim namba wan drink long nupela tenk.



Mis Warren i givim ol arapela samting i go long Gagan Helt Senta

## YWAM bai wokim ol introdaktri semina long Alotau

YWAM Medikal Sip i wok wantaim YWAM - Yunivesiti bilong ol Nesens Kona Hawaii long mekim wok bilong ol i go bikpela insait long Papua Niugini long dispela mun, olsem na ol i laik painim aut moa long kirapim wampela yut trening kempas long Alotau, Milen Be provins.

Open Memba bilong Alotau na Minista bilong Nesanel Plening na Monitar-ing, Charles Abel i bin singautim ol YWAM long kirapim wampela kempas long Alotau.

As tingting bilong kamapim wampela YWAM kempas long Alotau em long kamapim ol sans long skil bes trening, senisim pasin na long voluntia long PNG rurel eria; long helpim ol tingting long Nesanel Yut Polisi na Haia na Teknikal Edukesen Plen bilong PNG.

YWAM Medikal Sip Menesing Dairekta, Ken Mulligan, i tok YWAM Medikal Sips Alotau Kempas em i

wampela naispela step i go long helpim long strongim ol yangpela bilong PNG.

“YWAM i gat wampela kain we bilong givim trening we i save lukluk long di-velopim ol yangpela long olgeta pasin olsem ol Kristen veliu na ol pasin we i save senisim laip bilong ol sumatin na olgeta komyuniti. Mipela amamas long mekim wok bilong mipela i go bikpela wantaim nupela kempas,” Mista Mulligan i tok.

Ol namba wan program bai stat long Alotau wantaim tupela wik introdaktri semina we bai karamapim ol toktok long helt ke, empawamen bilong ol meri maikro enteprais na komyuniti teknoloji.

YWAM – Yunivesiti bilong Nesens Kona Hawaii Ekseketiv Dairekta, Paul Childers, i tok ol semina bai givim stia long kamapim plen bilong stap longpela taim na wanem rot bai kepas i bihainim.

“Ol dispela introdaktri semina bai helpim mipela long lainim wanem kain stail em i gutpela long wokim ol trening long bihain taim mipela i kisim tok orait long wokim ol trening long kantri.

Laik bilong mipela em long ol trening i mas wanbel wantaim kalsa na kisim tingting bilong ol yangpela lain na i no long kisim save tasol. Ol i mas gat trupela save long ol veliu bilong ol na wok bilong ol long kamapim strong kantri.

“Ol dispela namba wan mun em bilong harim ol sumatin na ol lokal komyuniti long save bilong ol long ples ol i stap long en na mipela wantaim bai lainim long kamapim stretpela we bilong kisim gutpela kaikai bilong stap longpela taim,” Mista Childers i tok.

YWAM Alotau Kempas bai kisim ai bilong planti pipel long wol. Em bai kamap olsem sapot bes bilong YWAM Medikal Sip, long stap na wok i go long olgeta longwe ples insait long PNG.



**BANK OF PAPUA NEW GUINEA**

### SURRENDER OF BANKING LICENCE AS LICENSED FINANCIAL INSTITUTIONS

In accordance with section 18 of the Banks and Financial Institution Act 2000 (BFI Act), the Bank of Papua New Guinea (“the Central Bank”) informs the general public that **Kina Finance Limited** and **PNG Home Finance Limited** have surrendered their banking business licenses as Licensed Financial Institutions.

PNG Home Finance Limited has ceased to take deposits while Kina Finance Limited has been amalgamated into Kina Bank Limited and all customer deposits have been moved to Kina Bank Limited.

**Mr. Loi M. Bakani, CMG**  
Governor



# Manmeri no ken askim nating long kompensesen!

**EM i no pasin tumbuna o kalsa bilong Papua Niugini long askim nating long kompensesen o sas.**

Manmeri, klen o hauslain o traib o wanpisin i save askim long kompensesen taim wanpela i mekim asua o rong long narapela.

Dispela long wanem, narapela i bagarapim narapela.

Tasol manmeri i no save askim long kompensesen taim netsa (nature), olsem bus graun, solwara yet i kamapim hevi. I no long taim san, ren, tait, graun bruk, win o solwara i bagarapim ples na laip.

Moa yet manmeri i no save askim long kompensesen taim narapela i helpim narapela taim em i gat hevi.

Tasol sapos em i bikpela hevi na husat i kisim helpim, dispela man long bihain taim em yet long bel bilong em i laik i ken givim presen o samting long tok tenkyu na givim luksave.

Tasol sori tru olsem ol gutpela pasin kalsa bilong Papua Niugini i pinis. Klostu olgeta liklik samting ol manmeri i laik kisim luksave o askim long kompensesen.

Manmeri long dispela taim i save askim long kompensesen taim bus graun i kamapim hevi o taim wanpela i gat hevi na narapela i helpim narapela.

Long sampela hap bilong kantri, tingting bilong askim, sasim na kisim nating samting long narapela i bikpela.



Ol i no tingim gut sapos hevi em bus graun yet i kamapim o sapos ol i fosim wanpela long helpim em na bihain askim em long kompensesen.

Long las wik ren i kam na graun i bruk long wanpela hap bilong Hailans Haiwe, klostu long Kundiawa, Chimbu.

Ol asples manmeri long hap

graun i bruk i askim long K1 milien kompensesen. Ol i tok graun i bruk na pasim haiwe bikos ol kar i ron go kam, sekim graun na taim ren i kam graun i bruk. Long dispela as gavman i asua.

Tasol sori tru, askim em ol manmeri i save olsem wanem kain hevi i kamap?

Em rot bilong kar na kar i ken

ron i go kam, sapos em i bikpela kar o liklik kar o sapos em i taim bilong san o ren.

Sapos em i asua bilong kar na graun i bruk, askim em olsem bilong wanem na graun i no bin bruk taim san i kamap?

Olgeta hap bilong wol i save graun i save bruk taim ren i kam. i no taim bilong san. Sapos dis-

pela i olsem, bilong wanem na ol asples manmeri i tok asua i stap long gavman.

Ol manmeri i askim tu ol pasindia husat i ron long haiwe long kompensesen.

Sapos ol i helpim wanpela pasindia na karim samting bilong em long wanpela sait bilong haiwe i go long narapela sait ol bai askim long mani. Sampela bai fosim ol yet long karim kago o beg bilong ol manmeri na bihain askim long pe. Dispela em pasin nogut.

Yumi mas lainim na gat pasin bilong helpim ol manmeri husat i gat hevi.

Yumi no ken bagarapim ol manmeri bilong yumi yet long kain kain askim.

Sapos yu helpim wanpela taim em i gat hevi, lusim long han bilong em yet long givim luksave na tok tenkyu.

Ating em i taim mipela i mas go bek na strongim ol gutpela pasin bilong kalsa bilong yumi.

O sapos yumi i no inap long mekim, orait, em i gutpela tu long harim long dispela wik olsem gavman i laik kamapim lo we bai pasim ol manmeri long ol i no ken askim nating long kompensesen.

Dispela i ken mekim ol manmeri i stap fri bai ol i no ken baim samting olsem kompensesen taim hevi o asua we ol yet i no kamapim.

## Gavman mas redi long sapotim ol polisi bilong em

EM i gutpela long Gavman i kamapim fri edukesen polisi, fri helt kea na tingting bilong kamapim gutpela infrastraksa tasol em i mas oltaim redi long sapotim dispela ol polisi. Sapos no gat ol gutpela tingting bilong em bai go lus.

Long sait bilong Edukesen mipela i ken tok sistem i no strong tumas, dispela em bikos i gat ol asua.

Sapos em i autkam bes edukesen (OBE) o standet bes edukesen (SBE) wankain hevi i stap bai stap sapos nogat gutpela sapot na opisa i no mekim wok.

Long dispela mipela i tok Gavman na tisa i mas pas tru long wok bilong ol.

Gavman i mas trenim moa tisa, kamapim inap skul, sanapim inap klasrum na givim inap metiriel long ol pikinini i ken lain.

Ol tisa i mas kisim gutpela trening na i mas givim inap



taim na skulim gut ol pikinini long rit, rait na save long ol samting.

Dispela tupela bodi o wok i bikpela samting long pikinini i lain gut.

Tasol long nau yet mipela i kisim dispela taim long tok amamas na sapotim tingting na wok Gavman i statim pinis long lukim ol pikinini kisim save bilong rit na rait.

Kisim save i rait wankain olsem ol arapela humen rait we olgeta manmeri i mas gat long em.

Fri edukesen polisi i strongim dispela rait na mipela i amamas long gav-

man long sapot bilong em.

Olsem nau gavman i kamapim fri edukesen polisi planti samting i sot o asua yet na dispela mipela i tokaut pinis long antap, Gavman i mas gat komitmen.

Gavman i tok long pinisim sistem bilong ol eksam (exam) we taim pikinini i mekim gut long Gred 8 Eksam em i go long Gred 9 na taim em i mekim gut long Gred 10 Eksam em i go long Gred 12.

Dispela tingting i gutpela bikos em i givim inap taim long pikinini i lain gut.

Mipela i tok 12-pela yia i givim inap taim long pikinini i redim em yet long laip, maski em i go long yunivesiti, koles o nogat.

Givim inap yia long pikinini i no helpim em tasol long rit na rait tasol i helpim em long lainim praktikel skil, wok kapenta, mekanik, didiman, samap na kuk na lainim pasin

bilong arts na kalsa. Em i ken yusim dispela save long sapotim laip bilong em long bihain taim.

Long displea as mipela i sapotim tingting bilong gavman long lukim ol pikinini i pinism olgeta 12-pela yia bilong skul.

Yes bai gat ol asua tasol bikpela samting em pikinini no go tasol long skul bikos em i polisi.

Nogat. Gavman i mas kamapim ol standet o mak namel long dispela ol yia long save sapos pikinini i lain gut o nogat.

Sapos ol i no lain gut pikinini i ken go long rimidiel o namel yia long em i lain gut na hapim mak bilong em.

O sapos nogat em i mas statim gen dispela Gred (rimidiel yia) we em i no lainim gut ol samting.

Kain olsem mipela i ken save sapos pikinini i kisim save o no gat.



Published Weekly, Thursday, for  
Word Publishing Company, Ltd.  
P.O. Box 1982, Boroko, NCD  
Papua New Guinea

Telephone: (675) 325 2500  
Fax: (675) 325 2579

Email: [editorial@wantokniuspepa.com](mailto:editorial@wantokniuspepa.com)

Pe bilong wanpela yia  
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
Elizabeth Konga

Editor  
Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

# Krismas presen i kam long heven

**Wanpela bikpela pisin Igel i plai i kam long Giburi Strit long Disemba 25, 2016**

**Aja Potabe i raitim**

**LONG** Krismas de long las yia, wanpela bikpela pisin i flai i kam daun long skai na i pundaun long wanpela liklik mango diwai long Morata long Nesenel Kapitel Distrik (NCD).

Planti manmeri i bin selebretim Krismas de bilong yia 2016. Sampela i bin go raun long malolo long arapela ples o kantri.

Tasol Jimmy Tundu i bin stap long haus bilong em long Giburi Strit long Morata 1.

Em i no bin stap nating long haus. No gat wanpela gutpela samting i bin kamap long haus bilong em long selebretim Krismas.

Long 10-klok moning, em i kirap no gut olsem wanpela bikpela pisin o i kolim Igel (Eagle) i plai i kam daun long skai na sindaun long wanpela liklik mango diwai.

“Dispela mango diwai i stap insait long banis bilong haus bilong mi. Mi kirap no gut olsem wanpela bikpela pisin i pundaun i kam long skai na i sindaun long dispela liklik mango diwai,” Mista Tundu i tok.

Mista Tundu i bin kirap no gut olsem dispela pinis i no ronawe taim em i kalapim dispela mango diwai na i laik holim em.

“Mi kalapim diwai taim pisin i no ronawe. Em i stap isi tasol. Mi skelim olsem em i bin plai i kam longwe stret na em i hangere na laik dring wara,” Mista Tundu i tok.

Em i holim em na pisin ya i no strong tumas. Em i stap isi tasol na larim Tundu i holim em na kisim em i kam daun long mango diwai.

“Mi kisim em i kam daun na taitim wanpela rop long rait han sait lek bilong em. Mi skelim ai bilong em na i luk olsem pisin ya i hangere.

“Mi baim wanpela sosis na pis. Taim mi givim em, em i kaikai. Em i daunim dispela sosis na pis hariap tru.

“Mi baim narapela moa pis na sosis na givim em gen. Em i no isi long daunim kaikai,” Mista Tundu i tok.

Mista Tundu i givim kaikai long em na pisin ya i kisim strong.

“Em i kisim strong na i no tingting long ronawe. Em i stap isi tasol na ol liklik pikinini long haus i kam pilai wantaim em.

“Em i no strong long kaikaim ol. Em i no tingting long plai na ronawe i go. Em i stap isi tasol long haus wantaim ol liklik pikinini,” Mista Tundu i tok.



Jimmy i muvim em na em i laik opim wing bilong em na giaman plai.

Mista Tundu i bin holim dispela pisin raun long Giburi Strit na *Wantok Niuspepa* i bin bungim em.

Em i lukautim dispela pisin long haus bilong em. Longpela bilong dispela pisin em 50 sentimita.

Dispela em i mak bilong em long lek i go antap long nus bilong em.

I hat long skelim hevi bilong em bikos i no gat wanpela skel i bin stap klostu long dispela hap na long dispela taim.

Wing bilong dispela Igel em i 30 sentimita.

“I no liklik wing ya, dispela wing bilong em i ken helpim em long plai i go longwe ples,” Mista Tundu

i tok.

Em i tok lek bilong dispela Igel em i longpela, klostu long 15 sentimita. Strong bilong lek bilong em i narapela kain tru.

“Mi ken pilim strong bilong lek bilong em. I luk olsem em i save kisim ol rat, pis na arapela ol liklik pisin,” Mista Tundu i tok.

Dispela pisin i no save stap klostu long siti long Pot Mosbi o arapela bikpela ples. Long Mt Hagen, dispela kain igel i pulap tru.

Tasol long Pot Mosbi, dispela kain Igel i no save plai nating.

Mista Tundu i bilip olsem em i Krismas presen bilong em i kam long heven!

# Tkachenko senisim Mosbi Saut

Nicky Bernard i raitim



Sialedi bilong Eda Ranu Misis Karo i opim wara taim Minista Tkachenko, Gavana Parkop na MD bilong Eda Ranu i lukluk.



Kaunsela bilong Kirakira, Minista Tkachenko, Gavana Pakop, Sialedi bilong Eda Ranu na MD bilong Eda Ranu i sanap long nupela paip wara long Kirakira ples long Mosbi Saut Ilektoret.



Tupela bikmeri bilong Galf mama grup i toktok wantaim memba bilong ol.



Minista bilong Sports, Nesanel Ivent na APEC na Memba bilong Mosbi Saut i givim sek mani go long Presiden bilong ol mama grup bilong Galf husat save stap long Joyce Bay long Mosbi Saut Ilektoret long NCD.



Ol Simbu mama grup long Vadavada i amamas long kisim sek mani bilong ol we memba bilong ol i promis long givim ol.



Minista Tkachenko i toktok long kontrakta long rausim dispela lapun bilding long baksait go daun na kamapim nupela.



Minista Tkachenko i sekim sampela ol gutpela pis long Koki pis maket. Ol Sentrel nau i save amamas tru long salim pis bilong ol long gutpela ples na i no olsem bipo long narapela ol maket we ol i no save sindaun gut na salim pis bilong ol. Minista Tkachenko i givim ol tripela mun long salim fri bipo ol bai stat long baim takis.

Ol Poto: Nicky Bernard



Minista Tkachenko i tok tok long sampela pis long Koki pis maket.

MOSBI Saut ilektoret insait long Nesanel Kapitel Distrik (NCD) i lukim bikpela senisim kamap. Memba bilong ol na tu Minista bilong Sports, Nesanel Ivent na APEC, Justin Tkachenko, i kamapim senisim insait long 4-pela yia tasol.

Memba bilong ol na Minista i bin raun long Fonde na Fraide long las wik long givim sampela helpim em promis long taim i go pinis, long ol mama grup na ol pipel bilong em long ilektoret bilong em.

Mosbi Saut ilektoret i gat haus sik bilong em yet na i gat ol ful taim dokta na wok manmeri i stap long helpim ol sik manmeri na pikinini. Ol i gat bikpela Sekendri Skul wantaim planti ol praimer skul.

Dispela em tingting bilong memba bilong ol long kamapim gut long wanem, gavman i kamapim fri edukesen na helt ke long ol pipel bilong PNG.

Minista Tkachenko tu i kamap planti ol maket long ilektoret bilong em long Mosbi Saut. Dispela bai helpim ol pipel bilong em long go maket long gutpela hap na i no moa salim long rot o ples nabaut.

Em kamapim Koki pis maket long helpim ol pipel bilong Sentrel long karim pis bilong ol i kam na salim long gutpela hap.

Dispela nupela pis maket em bilong salim pis tasol. Na i tambu tru long salim olsem holsel we kastoma baim planti na go salim long narapela prais long narapela maket.

Insait long Mosbi Saut i gat Sabama maket, Koki Maket, Manu Maket na Koki Pis Maket we ol bikpela na i gat ol liklik tu i stap.

Minista Tkachenko i stopim rot sait maket, bikos i gat planti maket pinis long elektoret we olgeta manmeri na pikinini ken yusim dispela ol maket long salim ol kaikai na olarapela prodak bilong ol.

Minsta Tkachenko tu i senisim Polis Stesen bilong ol long Badili na mekim olsem em i nupela. Dispela i mekim wok bilong ol polis manmeri bilong ilektoret bilong em i kamap gut tru long wok bung wantaim ol komyuniti.

Insait long eletoret bilong em tu nau, ol i kisim wara saplai i kam long Eda Ranu. Olgeta liklik ples i pulim paip wara go insait long ples bilong ol. Dispela i mekim laip bilong ol pipel i isi tru.

Bipo long em bai go insait gen long Ilesken, olgeta samt-ing em promis long mekim na kamap olgeta i karim kaikai.

Toro



Biabia



Kanage



Mi ting olsem...

**Autim Tingting**

Teks... Teks... Teks...

Teks i kam long 71845906

Yumi save tok Papua Niugini em i Kristen kantri. Long pasin bilong yumi, ol narapela kantri long wol tu ol i harim na ol i kam lukim na i laik stap long en. Tasol i gat lo bilong dispela graun tu i stap, olsem na ol narapela kantri tu ol i pret long kam insait nating, i nogat tok orait pepa yumi save kolim paspot o visa. Sapos trutru Papua Niugini em i kristen kantri, yumi i no ken tingim dispela paspot na visa na helpim narapela man long pretim pasin nogut bilong kantri bilongem na ranawe i kam long kantri bilong yumi Papua Niugini na i laik i stap wantaim yumi. Olsem na nau mi lukim piksa na ritim stori bilong Mohamed Dahan bilong Africa nau i stap long han bilong lo. Wanpela samting, ol man lukautim boda bilong yumi, ol i no mekim gut wok bilong ol long stopim na stretim long nupela taim yet. Na nau em i stap tambu, brata, susa bilong yumi pinis na stap planti yia wantaim ol faivpela pikinini, na meri bilong em na tu yumi kolim tambu long em pinis na ol pikinini tu ol i go bikpela pinis na nau yumi kirap na putim em long hevi, rong bilong husat long namba wan taim yet long em i kam insait long kantri bilong yumi. Nau em i maritim pikinini meri bilong yumi na i gat ol pikinini na stap planti yia na em i pilim olsem em bilong Papua Niugini na i stap amamas wantaim famili bilong em. Nau sapos kantri bilong yumi em i kristen kantri orait, larim em i stap wantaim yumi, na i no ken givim wari i go long famili na yumi olgeta yum. Na tu bikpela lo i stap pinis na i banisim yumi olgeta antap long dispela graun olsem, yu laikim yu yet, olsem na yu laikim narapela man tu. Yumi mas pretim Papa God long dispela lo bilong em, em i givim yumi.

Kau Boi  
Krx , Madang Provsns

Dia Edita, mi wanpela meri i save lukim ol kar i spit long rot taim mi kalap long bus o kar. Mi save pret bikos, nogut birua i kamap long rot o long mipela manmeri i stap long bus na kar. Wari bilong i olsem, inap dispela husat ol man i save spit yusim het bilong ol, em i rot bilong ol tasol bilong olgeta manmeri bilong dispela kantri na yumi olgeta i gat famili. Ol rot seifti opisa tu i mas wok strong long wok bilong ol na holim pasim husat ol dispela lain i save spit na kamapim birua long rot.

Kona Bilong Poem...

LONG dispela wik, yumi gat spes long statim "Kona bilong ol Poem"  
Pablik, moa yet, ol sumatin, ol yangpela na husat i gat intres na save long raitim Poem, plis salim ol i kam. Yu ken raitim long Tok English o sapos yu laik, yu ken raitim na salim i kam long Tok Pisin.  
Salim ol Poem i kam long dispela etres: Email: [fkana@wantokniuspepa.com](mailto:fkana@wantokniuspepa.com) na teksim i kam long Wantok Editorial Mobail fon namba: 71845906. Tenkyu . Wantok Niuspepa.  
Namba wan Poem i kam long wanpela yangpela man na em mi bin raitim dispela Poem taim em i bin wokim Gret 12 long Jubilee Katolik Sekenderi Skul, 10-pela krismas i go pinis.  
Namba tu na tri Poem long Tok pisin i kam long Shirley Gar, wanpela Jenelisim sumatin long UPNG na i wokim prektikel bilong em wantaim Wantok.

Home Sweet Home

By Terence Hatutasi  
Under the heat of the sun I walk  
Like a nomad travelling in the desert  
As far as I can see  
Sand covers the land  
Is it the sun or is it my eyes?  
Tricking me of an oasis nearby  
But as I feared, golden sands I felt  
How long I wish to be home again  
My troubles which brought me here  
Would be gone forever  
And at peace I shall rest at my  
Home sweet home.



Pot Nait na Lus Wik

Michael Somare i kam raun Pipol i hamamas  
Michael i tok,  
Baim bia,baim kaikai, buai, daka, smuk  
Taim Michael i go Pita Lus i kam tok  
Helo.....  
Pipol i sore  
Pipol dianau moni, dinau buai, daka smuk, bia  
O Michael, yu save kam long Pot nait tasol  
Bihain Pita Lus tok helo long Lus wik.

Shirley Gar i raitim  
(Metaphor: Het bilong Somare, refers to mani/K50 note)  
(Metaphor: Pita "Lus", refers to lus wik.



Nogat Pawa long Holim Laip

Laip,Laip,Laip,  
Bilong wanem tru u kam na i go Bilong wanem tru manmeri bilong graun i hat tru long holim yu foreva?  
Save man,bisnis man,puripuri man i nogat pawa tu long holim yu bek  
Yu nogat toksave long i go bilong yu Manmeri i sore na karai,  
Ating papa God yet i gat pawa long givim na kisim bek?  
O ating em pat bilong laip tasol?  
O laip, laip,laip,taim yu kam,mipela hamamas,tasol taim yu i go,mipela i sore tru  
Bilong Wanem yu no laik stap olgeta...


Shirley Gar i raitim



STORI BILONG TUMBUNA

Em nau! Ol pikinini i ken painim rot i go long ples wantaim wantok lain...

Stat hia



Yu pinis! Em ples bilong yu

HUSAT I DAI PASLAIN?

Mama i karim tupela boi long wanpela de. Tupela boi i stap wantaim papa-mama moa long 3-pela yia na papamama bilong tupela i dai. Olsem na tupela boi yet i stap i go na kamap bikpela tru. Longpela bilong tupela na patpela bilong tupela i kamap wankain tasol.

Long wanpela de tupela brata i hangere long abus. Olsem na tupela i go long bus bilong painim abus. In-sait long bus, Mai i lukim tupela diwai i wankain olsme tupela boi yet. Longpela na patpela bilong diwai i luk olsem tupela yet. Nau Mai i tokim Ku, "Lukim tupela diwai i makim mitupela. Olsem na mi laikim mitupela i testim dai bilong mitupela long tupela diwai. Ku! Yu tekewe skin bilong wanpela diwai, na mi tekewe skin bilong narapela diwai. Sapos

tumora mitupela i kam lukim diwai bilong husat i dai, dispela boi bai i dai pastaim.

Nau tupela boi i tekewe skin bilong diwai pinis, na i kam long haus na slip. Neks de long moningtaim tru, tupela i kirap i go long bus bilong lukim diwai asde tupela i bin tekewe skin long en.

Tupela i stap longwe na i lukim diwai bilong Ku i dai pinis. Dai bilong Ku na diwai i kamapim long ples klia. Tupela i bel hevi nau. Ku i tingting planti long dai bilong em. Em i tok; "Wanem taim bai mi i dai?"

Mai i sori nogut tru long brata bilong em bai i dai. Em i tok; "Bihain bai mi i stap wantaim husat?" Na Mai i kukim planti pik na givim Ku i kaikai na bihainim em i dai.

Nau 3-pela de bihain, na Ku i dai nau. Mai i kraim moa na planim em klostu long haus bilong em. Foapela



mun bihain, Mai i laik lukim diwai bilong em i dai o no gat. Olsem na em i go long bus. Diwai bilong em i stap lap yet. Bilong Ku i drai pinis na planti binatang bilong kaikai i pulap i stap long dispela diwai.

Mai brukim dispela diwai bilong kisim binatang bilong em i kaikai. Long basket bilong Mai, wanpela nois i kamap na em i tanim na em i lukim tewel bilong Ku i kam. Mai i pret na guria nogut tru i stap. Ku i tok: "Brata Mai yu no ken pret, Mi kam bilong mitupela i brukim diwai i stap na tudak i kamap." Mai i pret i stap na Ku i tok, na wanpela haus i kamap long dispela ples. Nau tupela i slip long dispela haus, tasol Mai i pret yet long tewel bilong Ku bai nogut em i kaikaim em long nait. Ku i kirap na i askim Mai: "Bilong wanem yu pret i stap." Nau em i taim bilong slip. Mai i laik trikim em na i tok: "Mi hangre long wara." Ku i tok: "Gutpela, mi go pulimapim wara bilong yu long dring. Tasol yu no ken

holim bilum bilong mi nau mi putim na i go."

Ku i go pinis na Mai i kisim bilum na lukim tupela 2 peni i stap. Lukim tasol na lusim long ples em i bin putim long en bipo. Ku i kam bek wantaim botol wara. Mai i dring na pinisim olgeta.

Nau Ku i tok: "Brata mi lukim yu holim bilum bilong mi." Mai i tok: "I tru mi kisim na lukim tasol. Mi no kisim wanpela samting long bilum bilong yu." Ku i no mekim wanpela tok. Nau tupela i slip gen. Mai i slip pinis, kwiktaim Ku i kisim tupela peni na putim long lewa bilong Mai na i go pinis.

Mai slip i go na winim tripela wik. Nau Ku i kam bek gen na tekewe tupela peni long Mai na em i kirap na i tok: "Man! Mi slip gut tru." Ku i tok gutde long brata Mai na i tok: "Yu sakim tok bilong mi na yu tripela wik pinis. Nau em i go long ples. Mai i no gat tok. Em i go bek long haus.

Nikolas K. Zawie, Rintebe/Goroka

Ansa bilong Wod Pilai isu 2208

PAINIM WOD PILAI

Ol wod lista:

- KAPOK
LEVEL
MALEN
NOK
PANDOL
RIVA
SAITLAM

- TALATALA
MULI
KRUTMAN
PLEIM
WANPISIN
YIA
SIKIS

- WIPIM
KAMAUT
BALAS
DELIGAT
FIVA
GOLIP
PISPIS

A grid of letters for a word search puzzle, containing various words from the list.

A grid of letters for a word search puzzle, containing various words from the list.



# TOK PISIN NEWS

from Radio Australia

radioaustralia.net.au

Harim TOK PISIN long  
Radio Australia  
**101.9FM**  
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

## Planti demokret Kongres memba bai no kamap long opisel seremoni tumora



Poto bilong Kongres long Amerika.

PLANTI Demokretik memba bilong Kongres o Palamen long Amerika i tok ol bai no inap kamap long "innoguration" o seremoni bilong opisal stat llong wok bilong nupela presiden bilong

Amerika, Donald Trump tumora. 55 i tok pinis ol bai no inap stap long seremoni, tasol sampela moa i tok nau olsem ol bai no inap kamap long seremoni. Planti i no amamas long ol tok bilas we

Mista Trump i wokim long sivil rait ektivis, na Demokret bilong Atlanta-John Lewis, husat i bin tok m i no lukim olsem Mista Trump i kamap presiden long raitpela rot.

## Trump i kros wantaim CIA

PRESIDEN Ilek, Donald Trump, i kros wantaim ol CIA em intelijens ogenaesen bilong Amerika, long ol ripot olsem Rasia i bin "hackim" o stilim na kisim ol ripot long ilek-sen bilong Amerika na ol i sutim tok i go

long Presiden ilek, Donald Trump long givim ol infomesen i go long ol Rasia lain.

Tasol Trump i tok ol dispela em ol giaman nius tasol long bagarapim em.

## Trump i no kisim gutpela luksave

Donald Trump i kisim opis olsem Presiden bilong Amerika olsem man we i no kisim luksave, wanpela ripot we ABC Nius long Washington i kamapim i tok.

40 pesen long ol pipel long Amerika i wanbel long Trump tasol bikpela namba i no wanbel. Ripot i putim mak bilong Trump is tap

daunbilo tru long planti ol arapela presiden bilong Amerika. Tasol long ol sampela eria olsem bisnis na ikononi, Trump i wokim gut.

Samting olsem 61 pesen i i nogat bilip long em long wokim ol rait disisen na 51 pesen i tok em i no fit o kwalifai long holim wok olsem presiden.

## Obama i larim Manning i go fri



Chelsea Manning.

LONG ol laspela de bilong em olsem Presiden bilong Amerika, Barack Obama i bin larim i go fri 209 kalabus pipel long Amerika.

Wanpela long ol em Chelsea Manning husat i bin wanpela soldia bilong Amerika long Iraq. Pastaim em i bin wanpela man, tasol em i bin senis na kamap meri long de ol i bin holim pasim em na putim em long kalabus. Long 2010, ol i bin holim pasim

na kalabusim Manning long kisim tok sut olsem e mi bin givim aut ol top sikret intelijens klasifaid infomesen long Iraq na Afghanistan. Na ol i bin kalabusim em long 35 krismas.

Loya bilong em, Chase Stagio i tok em i amamas long disisen we Presiden Obama i mekim long larim Manning i go fri bikos dispela i sevim laip bilong em. Planti taim em i bin laik kilim em yet, em i no kaikai

long planti de nae m i no kisim ol helt ke e mi sapos long kisim.

Em i tok Manning bai go aut fri na helpim long pait long jastis.

Sampela i egensim Presiden Obama i larim Mis Manning i lusim kalabus na i go fri bikos ol i tok samtign we Mis Manning i bin wokim inap putim kantri long bikpela sekyuriti hevi bikos meri ya i bin givim aut ol top ami na sekyuriti sikret.

## InterOil askim seaholda bisnis nius long salim kampani

MASKI planti seaholda bilong InterOil Corp i laik salim kampani i go long ExxonMobil Corp, man husat i bin statim InterOil, Phil Mulacek, i no wanbel yet long salim InterOil.

Taim ol seaholda bilong InterOil bai bung long wanpela spesel miting long New York City long Amerika long Februari 14, 2017.

InterOil i laikim olgeta seaholda long vot long larim ExxonMobil i baim kampani.

Siaman Chris Finlayson i askim olgeta seaholda long go long dispela miting long New York na vot long salim kampani.

Tasol Mista Mulacek i strong yet. Mista Mulacek i gat moa long 7.6 pesen sea long InterOil.

"Mi laik askim ol seaholda i no ken vot long salim kampani bikos bai mipela i lusim bikpela veliu," Mista Mulacek i tok.

Em i tok PRL 15 Elk na Antelope ges fil i stap i gat moa ges risos tasol ExxonMobil i laik givim liklik mani long dispela risos.

Mista Mulacek i mekim dispela toktok bihain long InterOil na ExxonMobil i senisim agrimen long Desember 15, 2016.

InterOil i salim wanpela pas raun long olgeta seaholda na askim ol long go long dispela bung long New York na vot long salim kampani.

Insait long dispela pas, Siaman Finlayson, i autim tingting na toktok bilong em long gutpela bilong salim InterOil.

Mista Finlayson i tok em i gutpela long salim kampani bikos ol seaholda bai gat sans long kisim bikpela mani taim ol i salim kampani.

"Dispela transekse bai apim veliu bilong InterOil na mi laik askim olgeta seaholda long tingting gut na mekim gutpela disisen.

"Mipela i putim intres bilong seaholda i go pas. Wanem samting mipela i mekim bai sevim seaholda bilong kampani," Mista Finlayson i tok.

Em i askim ol seaholda i no ken harim toktok bilong Mista Mulacek.

ExxonMobil i tok dispela transekse bai helpim invesen bilong em long PNG na strongim oil na ges bisnis.

Siaman Rex Tillerson i tok ExxonMobil i gat bikpela PNG LNG Projek pinis long PNG na em i gutpela nius taim ol i laik statim namba tu LNG projek long Elk-Antelope.

Planti ges bilong namba tru Papua LNG Projek bai kam long Elk-Antelope ges fil long PRL 15.

Opereta bilong dispela ges fil em i Total SA bilong Frans. InterOil i bin salim sampela aset bilong em pinis long Total SA na nau em i salim PRL 15 wantaim

kampani.

PNG Gavman i bin wanbel long lukim dispela samting i kamap.

Praim Minista Peter O'Neill i bin amamas long lukim ExxonMobil i gat bikpela bilip long ikononi na bisnis en-vaironmen bilong PNG.

"Mi wanbel long lukim olsem ol bikpela kampani

olsem ExxonMobil i gat bikpela bilip long stability bilong gavman na strong bilong ikononi.

"ExxonMobil i kamap bikpela na namba wan foren investa long kantri bilong yumi na mi wanbel long lukim olsem ol i laik invest moa long namba tu LNG projek bilong yumi," Mista

O'Neill i bin tok long las yia.

Tasol Indipenden Konsiuma na Kompetisen Komisnin (ICCC) i no bin wanbel long ExxonMobil i bosim olgeta ges na oil projek insait long kantri.

ICCC i laikim sampela bikpela oil na ges kampani tu long kam insait long oil na ges maket long PNG.



Ges i paia long Antelope ges fil long PRL 15 we InterOil bai salim long ExxonMobil.

# UN ripot i tok ol kantri long Yurop i no mekim gut ol refuji



Yarisa i gat 5-pela krismas na bubu meri bilong em i lukautim liklik bebi i gat 4-pela de. Liklik bebi Faromash em mama i karim long Oinofyta refuji kem long not bilong Athersn, Greece.

OL refuji na ol maigren i bungim bikipela hevi na dai long bikipela kol i kamap nau long Yurop, tasol ol i wok long muvim ol nabaut long ol boda eria na tu, sampela i wok long kisim bagarap.

Olsem na Yunaited Nesen Hai Komisin bilong ol Refuji (UNCHR) i askim ol gavman long ol kantri long Yurop long mekim moa long helpim ol refuji.

UNCHR i tok 5-pela refuji i dai pinis long kolpela weda o bikipela kol i kamap long Yurop stat yet long nupela yia. Long Greece, mak long kol i go daun olgeta long -14.1 digris na sampela kantri i kisim bikipela sno o

ais tru i pundaun.

Ol i painim bodi bilong tupela man Iraq long saut bilong kantri Bulgeria bihain long ol i laik wokabaut long Turkey i go olsem long Bulgeria. Narapela em wanpela yangpela meri Somalia na bodi em ol i painim long wankain eria. Man Afghanistan i gat 20 krismas i bin dai long hevi bilong kol i bagarapim em taim em i krosim Wara Evros long nait namel long Greece na Turkey. Mak bilong kol i bin go daun long -10c digris.

Cecilia Pouilly i makim maus bilong UNCHR i tok ol stet atoriti long Yurop i mas mekim moa long helpim

seving laip bilong ol refuji.

UNCHR i I transferim planti handet pipel long Lesbos Ailan long Greece na Chio na putimm ol long gutpela ples, tasol samting olsem 2,500 moa refuji i stap long Moira Kem long Lesbos we ol dokta i bin tok em i no gutpela long ol refuji long stap long en.

Ol ripot i tok planti tausen refuji i wok long stap long ol kem o ples i no gutpela, na kol i wok long bagarapim ol nogut tru, wantaim sampela i dai.

Ol i tok namba bilong ol refuji i stap long kain kem na ol ples i no gutpela tumas o i pulap na i pas pas i stap namel long 1,000 na 30,000 pipel.

## Tupela stet tasol i ken stretim hevi

No ken givap long tupela stet tasol i ken stretim ol hevi namel long ol, tok lukaut bilong wol long Israel na Trump

Ol bikipela kantri long wol, Briten tasol i no gat, i autim tok lukaut long Israel na Donald Trump long noken givap long hop olsem tupela stet tasol i kamap bai stretim dispela bikipela Arab/Israel hevi i stap long Midel Is long longpela taim tru.

Ol i tokaaut tu olsem i moabeta long sapotim dispela rot bilong stretim hevi na no ken rijektim dispela rot. Briten i no sainim pepa

long dispela samting na i stap olsem obseva tasol.

UK i tok em i stap isi bikos wanpela intenesenel konprens i wok long kamap nau long strongim pis o gutpela bel namel long tupela em Briten i no stap insait long en.

Em i tok dispela konprens i kamap egensim laik bilong Israel na tu, sotpela taim pastaim long nupela presiden bilong Amerika i kamap. Na US tasol em kantri we bai garantim ol agrimen.

Gavman bilong Briten i mas prèt olsem ol i laik fosim dispela konprens long putim polisi bilong Amerika

pastaim long nupela gavman bilong Donald Trump i go insait.

Long ol ripot, gavman bilong nupela presiden bilong Amerika husat bai kisim opis tumora, Donald Trump, i laik surukim embasi bilong em i go long Jerusalem, lusim Tel Aviv. Planti i lukim dispela olsem Trump i laikim kapitel bilong Israel long Jerusalem.

Praim Minista bilong Israel, Benjamin Netanyahu i no laik stap long konprens na i tok em bai toktok dairek wantaim lida bilong Palenstain,

Mahmoud Abbas.



Presiden bilong Palestin, Mahmoud Abbas, long Rome las Sarere.

# Stilim taim mama i karim i bungim famili nau

WANPELA yangpela meri long Jacksonville, Amerika, we narapela meri i bin stilim em long haus sik taim mama i karim em 18 krismas i go pinis em ol i painim em na givim i go long trupela famili bilong em.

Kamiyah Mobley em trupela nem bilong em tasol meri i lukautim em olsem pikinini bilong em, Gloria Williams i givim em nem, Alexis Manigo.

Gloria Williams, i gat 51 krismas bilong Walterboro, South Carolina, we Mobley i bin groap long wanpela liklik haus klostu tasol long haus sik em dispela meri i bin kidnepim pikinini ya na keis bilong em i stap nau long han bilong ol polis.

Ol bai sasim em long kidnepim pikinini na kamapim hevi long tru pela famili bilong em.

Ol famili bilong em long Jacksonvil i bin amamas no gut tru long harim dispela hap nius na ol i amamas na krai wantaim taim ditekive i bin tokim ol dispela gutpela nius.

Bubu meri bilong em, Velma Aiken i tok pikinini ya i luk stret olsem papa bilong em.

Wanpela meri i tok em i wanpela nes long Yunivesiti Medikel Senta i bin stilim em 8-pela awa tasol bihin mama i karim em.

Ol i bin wokim bikipela wok painim long helikopta tu i raunim haus sik we mama i karim Mobley, tasol nogat wanpela sainmak long bebi, em i lus nating tru.

Ol neiba i givim toktok bilong ol na wanpela, Joseph



Kamiyah Mobley taim em i bebi na meri ol i sutim tok long kidnepim em, Gloria Williams.

Jenkins, i tok, "Williams i lukautim gut pikinini, em i no bagarapim o mekim em no gut. Samting tasol en em i groap wantaim giaman."

Sampela mun i go pinis, yangpela meri ya i bin gat sampela kain piling o tingting olsem em i wanpela pikinin i we ol i bin stilim, serif o bos long taun i tok.

Em i tok i no gat as watpo meri i bin gat dispela kain tingting, na olsem wanem keis bilong em i go long ol atoriti long Nesenel Senta bilong ol Mising na bagarapim pikinini.

Tasol ol bin mekim wok painim na kisim DNA tes bilong Mobley, em i bin wankain stret na dispela ol i laikim long en, serif i bin tok.

Senta ya i painim pinis samting olsem 308 pikinini we ol i bin stilim long Amerika, stat yet long yia 1983. Nau 12-pela keis tasol em ol i no painim yet.

Bubu meri bilong em na mama bilong em tu i tok famili bilong em i no save lus tingting long en. Olgeta yia long bonde bilong em, ol i save karamapim wanpela

liklik hap bonde keik na stikim long aisbokis.

Nius i bin go aut hariap taim ol polis i raunim haus bilong Mis Williams long mekim wok painim, neiba Ruben Boatwright husat i save long Mis Williams long 15 krismas i tok.

Lakeshia Jenkins, i tok Williams na pikinini meri i save raun i go long ol o joinim family long wara pak klostu.

Em i tok ol i save luk olsem wanpela nomol famili na Kamiyah i stap long gutpela lukaut.

"Na Mis Williams i luk olsem wanpela nomol meri," Misis Jenkins i tok.

Em i tok em i bin save go wok, go bek long haus na go lotu olgeta Sande.

Mis Williams i bin wok wantaim Department of Veterans Affairs' haUS SIK LONG Charlston na tu, volantia wantaim Habitat for Humanity na go pas long yut program wantaim wanpela Metodis Sios.

"Em i wanpela save na smatpela meri na mi gat ol gutpela toktok long mekim long en," Boatwright i tok.

## Holim pasim long Swiselan na Tibet protes



Ol Tibet na Swiselan lain i protes egensim kamap bilong Saina presiden.

OL Swiss polis i bin holim pasim 32 pipel bilong Tibet na Swiselan huisat i wok long protes egensim long wokabaut bilong Saina Presiden long dispela Sarere, Presiden Xi Jinping.

Ol Swiss atoriti i bin givim tupela awa taim long holim protes bai kamap long namel bilong Bern taun long abrusim ol kain hevi i bin kamap 18 krismas i go pinis

taim wanpela saina lida i bin mekim lukluk raun long hap.

Ol polis i bin holim pasim sampela pipel klostu long sekuriti eria tai mol i no bihainim ol toktok bilong polis na ru, polis i bin stopim wanpela man laik kukim em yet long paia, na i bin kisim em i go long haus sik.

Ol i bin holim 14-pela pipel klostu long Swis Palamen bilding taim ol i

abusim taim bilong protes na plaim ol posta i gat raiting olsem

"Free Tibet" na "Don't Deal With Killers", Asosiesen bilong ol Tibet yut long Yurop i tok.

"Stap insait long Tibet i wok long go not tru nau olgeta de. Ol i wok long banisim ol pipel bilong mipela na kalabusim ol," mausmeri Mimpara Dhakyl i tok.

# Sampela grup wanbel long KPH

## Aja Potabe i raitim

**SAMPELA grup bilong papagraun na provinsal gavman i wanbel long Kumul Petroleum Holdings Limited (KPH) i helpim ol i baim sea bilong ol long Kroton Namba 2.**

Long las wik Fraide, ol papagraun bilong PNG LNG Rifaineri, PNG LNG Paipain, Juha PDL 9, Flai Riva (Westen) Provinsal Gavman, na ol papagraun bilong PDL 2 long Gobe, i wanbel long KPH i oraitim vanda fainens-ing bilong ol.

Aninit long vanda fainens-ing agrimen, KPH bai helpim ol dispela papagraun na provinsal gavman long baim sea bilong ol long Kroton Namba 2.

Kroton Namba 2 i holdim 16.6 pesen sea bilong KPH long PNG LNG Projek. KPH em i kampani bilong PNG Gavman. Em i nesenel oil kampani (NOC) bilong pipel bilong PNG.

Taim ol dispela 5-pela grup i wanbel long KPH na sainim agrimen pinis, sampela ol papagraun grup bilong PNG LNG Projek i kamap i no wanbel long KPH i kamapim vanda fainens-ing.

Kumul Petroleum Holding (KPH) i laik helpim ol papagraun na provinsal gavman wantaim dispela vanda fainens-ing agrimen.

Ol gavana bilong 5-pela provinsal gavman – Hela, Sauten Hailans, Westen, Gulf na Central provins - i wanbel pinis long larim KPH

i helpim ol wantaim vanda fainens-ing.

Aninit long dispela vanda fainens-ing, KPH bai givim mani long ol papagraun bilong ol wan wan PDL na ol 5-pela provinsal gavman bilong Hela, Sauten Hailans, Gulf, Westen na Sentral provins.

Tasol sampela ol papagraun bilong Hela we apstrim ges projek i kamap i les long Kumul Petroleum i baim dispela mani bilong ol long larim ol i kamap seaholda bilong Kumul Petroleum Holdings Limited.

Taim ol papagraun i baim dispela seaholdings, ol bai baim 4.6% indaiek sea bilong PNG LNG Projek.

Seaholding bilong ol bai stap aninit long KPH, we ol papagraun bai baim 4.27% seaholdings bilong Kroton Namba 2

Wanpela konsalten bilong ol dispela papagraun i Arthur Somare. Mista Somare em i pastaim memba bilong Angoram na Minista bilong Pablik Entaprais na Stet Investmen.

Mista Somare i bin stap long gavman taim, PNG LNG Projek i bin kamap. Mista Somare em i wanpela namba wan man husat i bin go pas long stretim ol toktok long kamapim PNG LNG Projek.

## Arapela papagraun

Arapela papagraun bilong PNG LNG Projek i no wanbel long sainim agrimen long larim KPH i go het na helpim ol long vanda fainens-ing.

Ol papagraun bilong Hides PDL 1, Hides PDL 7, Angore PDL 8, Moran PDL 6, Moran PDL 2 na sampela PNG LNG Paipain grup i no sainim agrimen wantaim KPH.

Konsalten bilong ol i Mista Somare. Mista Somare i laik helpim ol long painim mani long baim dispela ekwiti tasol det bilong baim dispela ekwiti i wok long kam klostu.

Taim sampela ol papagraun i wanbel long vanda fainens-ing, olgeta papagraun bilong Hela i no stap insait long vanda fainens-ing agrimen.

Ol papagraun bilong Hela i namba wan stekholda o grup insait long PNG LNG Projek bikos 85 pesen ges i kam long Hela.

## Kroton Ekwiti em i wanem?

Taim ol papagraun wantaim gavman i bin sainim Ambrella Benefit Sering Agrimen (UBSA) long Kokopo, Is Nu Briten long yia 2009, ol papagraun na 5-pela provinsal gavman, i bin wanbel long ol papagraun bai baim sampela sea long PNG LNG Projek.

Ol i bin wanbel olsem ol papagraun bai baim dispela sea long wanpela kampani bilong gavman ol i kolim Kroton Namba 2.

Kroton Namba 2 nau i kamap olsem wanpela sab-sideri kampani bilong Kumul Petroleum Holdings Limited (KPH).

Kroton Namba 2 i bin stap olsem wanpela sel kampani

bilong Independent Public Business Corporation (IPBC). Gavman i senisim nem bilong IPBC i kamap Kumul Consolidated Holdings Limited (KCH).

Long wankain taim gavman i kamapim Kumul Petroleum Holdings Limited (KPH). Pastaim ol i bin kolim National Petroleum Company PNG (NPCP).

Long yia 2015 ol i senisim nem i kamap KPH.

KPH i tekova long Kroton Namba 2. Kroton Namba 2 em i holim 16.9 pesen sea o ekwiti bilong PNG Gavman long PNG LNG Projek.

Aninit long UBSA agrimen, ol i bin wanbel long larim ol papagraun i baim 4.6 pesen sea long dispela kampani.

Taim det lain bilong baim dispela sea i kamap, ol papa-

graun i laik baim sea na i wok long painim mani i stap.

Ol papagraun i no gat

mani long baim dispela sea na sampela bilong ol i nau painim mani yet.



Menesing Dairekta bilong KPH, Wapu Sonk.



Kumul em i wanpela bikpela sip bilong karim PNG LNG i go aut long maket long Esia. Piksa i soim Kumul i pulmapim PNG LNG long PNG LNG Plen Sait ausait long Pot Mosbi.

# Westen i sainim vanda fainens agrimen

Provinsal Gavman bilong Westen Provins i sainim agrimen bilong larim Westen Provins i kisim dinau mani long Kumul Petroleum Holdings Limited (KPH) na kamapim vanda fainens-ing agrimen long baim Kroton Ekwiti.

Deputi Gavana bilong Westen, Abini Gesele, i bin amamas long sainim agrimen long las wik Fraide long larim Westen Provinsal Gavman i gat sans long kamap seaholda bilong Kroton Namba 2.

Bihain long Mista Gesele i sainim dispela agrimen, em bin tokim Wantok Niuspepa olsem em i amamas long makim maus bilong Westen Provinsal Gavman na sainim

dispela agrimen long larim ol pipel bilong em i kisim benefit long bihain taim.

“Mi amamas long tok aut olsem pipel na gavman bilong Westen Provins bai gat sans long kisim ol benefit long PNG LNG Projek.

“Dispela agrimen bai mekim ol tu i kamap seaholda bilong PNG LNG Projek,” Mista Gesele i tok.

Foapela provinsal gavman bilong Hela, Sauten Hailans, Gulf na Sentral i bin sainim agrimen pinis long mun Desember 2016 long larim ol i kisim helpim long KPH aninit long vanda fainens-ing.

Westen Gavana Ati Wobiro i no bin stap wantaim ol foapela gavana long sainim dispela agrimen.

Mista Wobiro i stap long kalabus long Bomana bihain long kot i bin painim em asua long kisim mani bilong Westen Provinsal Gavman.

“Gavana bilong mipela i stap long haus kalabus. Mi askim ol loya bilong mipela na ol i tok mi ken makim maus bilong provinsal gavman na sainim dispela agrimen taim gavana bilong provins i no stap,” Mista Gesele i tok.

“Mi amamas bikos mipela i stretim pinis agrimen wantaim KPH long larim ol pipel i kisim benefit long bihain taim.”

Mista Gesele i tok nogat wanpela lida bilong Westen i bin sainim agrimen long Ambrella Benefit Sering



Deputi Gavan bilong Westen, Abini Gesele.

Agrimen (UBSA) taim long long Kokopo long yia 2009.

“Mipela i no bin sainim UBSA, olsem na ol i givim mipela 1 pesen tasol. Ges bilong PNG LNG projek i kam long Juha long Westen Provins tasol mipela i kisim 1 pesen tasol,” em i tok.

Tasol Mista Gesele i mekim wanpela desisen

ariap long stretim bihain taim bilong Westen Provinsal Gavman bikos memba bilong Not Flai Boka Kondra i stap aut long saspensen, memba bilong Saut Flai Aide Ganais i dai, na Gavana Wobiro i stap long kalabus.

Dispela i lukim Westen Provins i joinim arapela foapela provinsal bilong

Hela, Sauten Hailans, Gulf, Sentral na arapela papagraun grup olsem Moran PDL 5, Juha PDL 9 PNG LNG pLen Sait na PNG LNG Paipain grup.

Ol dispela papagraun grup na provinsal gavman i wanbel long kisim dinau mani long KPH long baim sea bilong ol long Kroton.



**Didiman toktok**

Profesa John Warren - Vais Sansela, PNG Yunivesiti bilong Nesurel Risos na Envairomen i raitim



**Sastenebol Laip na Mekim Disisen**

**Lukautim Gut Ol Risos Na Ol Risos Bai Lukautim Yu Na Famili Bilong Yu Nau Na Bihain Taim**

**YUNIT 1: Luksave long yu yet, Famili bilong yu na komyuniti bilong yu**

**1.2 Famili Tri (Hauslain)**

Famili em i hap bilong komyuniti, we planti disisen i kamap long helpim sindaun bilong famili. Em i impoten long yu mas luksave long yu husat insait long famili bilong yu, na luksave long husat tru i stap long komyuniti bilong yu. Olsem na famili tri bai helpim yu long luksave long yu husat na wanem ol wok yu wokim long yusim ol risos insait long famili.

**Activiti 2:**

Droim famili tri bilong yu. Na toktok wantaim husat i sindaun klostu long yu long dispela famili tri bilong yu. Long helpim yu long toktok bilong yutupela, tingting long ol dispela askim:

- a) Wanem ol risos mipela gat nau long mipela ken usim long kamapim gutpela sindaun?
- b) Wanem ol risos mipela i nidim long bihain taim long kamapim gutpela sindaun bilong mipela?
- c) Wanem samting mipela mas wokim long ol dispela risos long kamapim gutpela sindaun nau?
- d) Husat i bosim ol dispela risos nau?
- e) Husat bai bosim ol dispela risos long bihain taim?

**Ol fama bilong Midel Ramu Veli laik planim rais**

**Samuel Toposona - NARI i raitim**

**YOMAS Dosung, wampela fama bilong planim rais long Midel Ramu Veli long Madang Provins i laik lukim rais i gro long hap bilong em.**

Mista Dosung em i hap kas Westen Hailans na Morobe, na em i i save laik mekim nupela samting long kamapim gut wei bilong groim ol samting bilong fam. Em i save laik long yusim ol nupela teknoloji o save we em i lainim long Nesanel Egrikalsa Risets Institut ((NARI) olsem ol nupela kain rais bilong planim.

Bihain long em i bin lusim wok long 1987, Yomas i bin stat long wokim rais fam. Nau em i stap pas lain long planim ol sit bilong rais we ol i kisim long NARI bilong ol lokal fama bilong Kopun Lokal Level Gavman (LLG) eria long Midel Ramu, Madang.

Em i tok laik bilong ol pipel long groim rais i go

bikpela tru long ol fama bilong Kopun na ol i larim sampela graun i stap long mekim dispela wok.

Tripela kain rais bai i go long Kopun LLG em; Finsch Wait, Finsch Braun rais na, Finsch Retpela.

Kopun LLG i stap long boda mak bilong Morobe, Simbu, Jiwaka, Westen Hailans, Enga, na Is Sepik na em i gat gutpela gris graun long ples daun.

Mista Dosung i tok klia olsem ol boda mak we ol i brukim wantaim ol lain bilong Mokia long Westen Hailans na Moral long Madang bin kamapim ol asosiesen olsem rot bilong kisim rais fam, olsem na ol narapela developmen ejensi olsem NARI i ken go insait long helpim ol.

Ol grup we ol i kamapim pinis em Moral Komyuniti Developmen Fama Asosiesen (MCDFA), Madang na Mokia Komyuniti Fama Developmen Asosiesen (MCFDA), Mt Hagen.



**Finsch Wait, em i wampela lokal rais we i save kamap long ol nambis ples na long bus bilong Morobe provins na em inap long kamap tu long ol hap olsem Midel Ramu long Madang.**

Em i tok ol fama bilong tupela eria i save planim planti kain kumu, tasol bikpela hevi i stap long ol rot i bagarap na i hat long bringim ol samting i go long maket long salim.

Wei bilong bringim ol kes krop bilong ol olsem kopi long balus bilong Misineri Eviesen Felosip (MAF) air sevis we i bikpela mani tumas bikos ol fama i save baim K3 long wan wan kilogram long balus i kisim ol kago bilong ol i go long Mt. Hagen we em i moa klostu

long ol.

Mista Dosung i tok rais sit i go pinis long tupela eria bilong ol i planim bilong wan wan famili na hauslain bilong long kaikai na long salim tu.

NARI i gat 15 kain rais we ol i bringim i go insait long Kopun na Mokia komyuniti.

Ol fama bilong Madang na Westen Hailans i larim 2.5 hekta graun long planim rais na ol i wok long bilip long ol gutpela rot bai op long ol i ken go isi long salim ol rais bilong ol wantiam ol narapela kes krop.

**Ramu NiCo makim China long PNG**

KOMESEL Kaunsela bilong China i kam long Papua Niugini, Mista Cai Shuizeng i tok klia olsem Ramu NiCo Projek insait long Madang provins i makim stret nem bilong China insait long PNG.

Mista Cai i bin kisim wampela delegesin i go long Kurumbukari (KBK) Main long Usino-Bundi distrik na Basamuk Rifaineri long Raikos distrik bilong Ramu NiCo Projek long mun Disemba dei 22 i go 24, 2016. Em i amamas tru long luksave olsem Projek i bin winim mak bilong 100% disain kapasiti las yia na tok strong olsem taim Ramu NiCo i kamap strong na gutpela, em bai kirapim nem bilong China insait long PNG na dispela bai strongim wok bisnis na bailetrel rilesensip namel long China na PNG.

Dispela raun bilong Mista Cai na delegesin bilong em i kamap ananit long luksave bilong Ministri bilong Komes long gavaman bilong China we i save tok strong long ol bikpela projek o kampani bilong China olsem Ramu NiCo-MCC i mas gat strongpela sefti standet long taim bilong konstraksen na prodaksen.



**Siaman bilong Ramu NiCo, Mista. Zong Shaoxing i kisim Mista Cai raun long bikpela wof bilong Ramu NiCo long Basamuk na soim ol kain wok we save kamap long Basamuk Rifaineri.**

Mista Cai i bin gat sans long lukluk raun long ol bikpela masin na wokples olsem chromite concentrate stockpile, hydraulic sluicing seksen, washing plate na beneficiation plent long KBK Mine na HPAL, neutralization na produkt eria esid plent, limestone plent, warehouse na wof na dip lenfill eria long Basamuk Rifaineri na tu em i kisim planti infomesin long sef prodaksen, sels, en-

vairomen proteksen, komyuniti konstraksen na lokolais-esin. Ol menesa long KBK na Basamuk i bin givim updet bilong project tu long dispela delekesin.

Taim em i hamamas na tok tenkyu long ol woklain na menesmen bilong Ramu NiCo long kamapim Ramu Projek long 100% disain prodaksen kapasiti, Mista Cai i tok Ramu Projek em i wampela bikpela mainin projek

blong China ausait long China we i stap insait long PNG tasol na wok bisnis bilong em na gutpela kaikai na benefit Ramu NiCo i kamapim bai kirapim gutpela nem bilong China insait long PNG na Pasifik Rigin.

“Ramu NiCo i mas save na putim bikpela hatwork i go insait long Projek long kualiti, sefti na stretpela pasin bilong Projek long mekim moa wok long strongim rilesensip namel long China na

PNG long kamap strong moa,” Mista Cai i tok.

Siaman bilong Ramu NiCo, Mista Zong Shaoxing, Vice Presiden, Mista Zhao Deqian na Mista Xujian i bin makim maus bilong Ramu NiCo na tok tenkyu long dispela raun bilong delegesin na promis olsem menesmen na woklain bilong Ramu NiCo bai wok hat long lukim Ramu NiCo Projek i kamap bikpela na kirapim nem bilong China na PNG wantaim.



**Ol enjenia bilong Basamuk Rifaineri na Siaman bilong Ramu NiCo, Mista. Zong Shaoxing i bringim Mista. Cai raun na soim Basamuk Rifaineri.**

# Kapi Natto i amamas long gutpela kala long Papaka



TIM Mensa bilong Hekari Yunaitet FC, Vonnie Kapi Natto, i sekhan wantaim wampela pilaia bilong Papaka Spot Asosiesen.

TIM Mensa bilong Hekari Yunaitet FC, Vonnie Kapi Natto, i tok em i amamas wantaim ol i soim kala bilong ol Papaka Spot Asosiesen (PSA) Kap gren fainal long las wiken.

Kapi Natto i tok ol futbol pilai long Sentrel Provins i save gut long pilai na 20 pilaia em ol i makim long trening skwat bilong Hekari bihain long namba wan Hekari Sentrel Kap

long las yia. "Mipela i kisim tripela pilai long Papaka, 4-pela pilai long Kalo, 4-pela long Keapara na tupela long Kaparoko," Kapi Natto i tok.

Kapi Natto i strongim ol Pilai long stap strong na bihainim ol lo bilong netbal gut long winim ol driman bilong ol.

"I gat planti ol pilai i save gut long pilai i stap log hia na mi gat bikipela amamas

long dispela. Tasol, ol bai givim moa taim long trening na bihainim lo bilong futbol gut long go het long ol bikipela resis.

"Ol i ken pilai futbol yet na mipela bai lukim yupela olgeta i stap insait long Hekari Sentrel Kap long dispela yia bai moa gutpela tru," Kapi Natto i tok.

Kapi Natto i pinisim toktok na i promis long K2,500 long Papaka Spot Asosiesen.

# Louis van Gaal i lusim wok



Van Gaal i apim FA Kap tropi long Me 2016, tasol ol i bin rausim em bihain long ampela aua.

BIPO pilaia bilong Manchester Yunaitet na bos bilong Netherland, Louis va Gaal i lusim wok bilong em olsem kosa bihain long 26 yia.

Gall i gat 65 krismas i lusim wok taim ol Yunaitet i rausim em bihain long sampela aua long taim ol i bin winim FA kap long 2016.

Em i bin tok aut long dispela long Mande bihain long em i bin kisim awod long Dutch gavman long em i bin wok long futbol.

# Kaura Kenny bai no inap resis long NTC

LAURA Kenny bilong Briten, husat i kamap 4-pela taim sempion long Olimpik wilwil resis bai no inap resis long Nesenel Trek Sempionsip (NTC) bihain long em i kisim bagarap long skru bilong em. Kenny i gat 24 krismas bai no inap resis tu

long Siks De Berlin iven i stat long dispela wik, tasol i lukluk long resis long Wol Sempionsip bai kamap long Hong Kong long Epril.

Kenny i bin winim 7-pela wol gol medal wantaim tupela long las yia long London.

# PNG Netbal i amamas long PSA

PRESIDEN bilong PNG Netbal, Julianne Leka, i amamas long Papaka Spot Asosiesen (PSA) long driman bilong ol long strongim komyuniti aninit long spot.

Leka em i wampela bilong ol lain ol i bin singautim bilong stap wantaim long netbal na futbol gren fainal

resis bilong PSA Kap ol i bin pilai long las wiken.

"Mi bin lukim planti senis long ol yia i go. Pasin bilong ol pilaia i senis, infrestraksa i gutpela tru na kala bilong ol pilaia i kamap namba wan tru na ol opisal tu i ranim ol klap bilong ol

gut," Leka i tok. "Ol nupela samting i kamap aninit long spot i ken senisim komyuniti, distrik, provins na kantri."

Leka i strongim ol pipel bilong Papaka viles long go het na wok bung wantaim long bringim ol senis bilong ol i ken stap gut.



Ol meri i pilai netbal long gren fainal resis bilong Papaka Spot Asosiesen (PSA).

# Topal i winim skolasip long USA

MEDAL wina bilong Pasifik Gems aninit long tripol jam resis bilong ol meri, Annie Topal, i kisim wampela skolasip long go skul long Nu Meksiko Hailans Yunivesiti (NMHU) long Yunaitet Stet bilong Amerika (USA).

Nu Meksiko Hailans Yunivesiti em i siti bilong Las Vegas Nu Meksiko na ol etlit bilong ol i save resis long divisen tu bilong NCAA Program.

Topal i bin kisim wampela brons medal long 2015 Pasifik Gems taim em i setim rekot wantaim 11.99 mita nesanel jam long pinisim nam tri ples bihain long Rellie Kaputin i bin winim gol medal na Milika Tuivanuavou bilong Fiji i winim silva medal.

Is Nu Briten Provinsal Gavman i promis long sapatim ol etlit long provins husat i save gut pilai i ken go het na resis long trek na fil resis taim ol i stadi long USA.



Silva medal wina long tripol jam long Pasifik Gems resis, Annie Topal, bai go skul long USA.



Laura Kenny i winim Olimpik gol medal we i no gat ol narapela British meri i save win.



# Usino-Bundi nidim moa save manmeri

WANPELA save man na bisnisan blong Usino-Bundi distrik insait long Madang provins i gat bikpela bilip olsem elektoret bilong em, Usino-Bundi tete ino gat planti save manmeri na em i tok strong olsem gavaman na ol pipol yet i mas luksave long dispela hevi.

Edward M. Kiza, pikinini Bundi yet i bin wanpela bilong ol liklik skul lain long taim bilong em we i bin gat sans long kisim kain save em i gat olsem dokta boi na i bin risain na nau i gat bisnis bilong em, Tamane Gues Haus long Madang.

Long las yia, Novemba 30, i bin gat greduesen bilong St Edward Enequai Praimeri Skul insait long Bundi LLG we em i bin kamap wanpela spika na tok strong olsem Usino-Bundi i nidim planti save manmeri. Nogat bai ol bikpela projek we i kamap tete long Madang provins bai ol kam lain bai ranim na ol Usino-Bundi bai sindaun na was tasol.

Edward i bin givim K3,000 go long Enequai skul na tok bai ol i husim na baim skul buk bilong laibri blo ol. Em i bilip olsem ol pikinini i laik kisim bikpela save i mas lain long rit na rait long gutpela Inglis we bai kam isi sapos ol i ritim planti buk.

Dispela as tingting bilong Edward na ol narapela lida olsem let David Tigavu, John Opotio, John Tigavu, mama Seta, skul bod na ol tisa na ol planti yut na komuniti lida em wankain tingting Ramu NiCo Projek tu i gat.

Long luk save olsem Bundi i nidim stret moa skul manmeri we i mas kamap pailot, enjenia, loya, tisa na kankain wok, Ramu NiCo i bin luk save olsem skul em wanpela bikpela samting na i bin kamapim St Edward Enequai Praimeri ananit long luksave bilong Ramu NiCo Projek MOA.

Long las yia Novemba 30,



Mama Antonia i kra i na holim pasim pikinini bilong em taim em greduet.

skul i bin kamapim ol fes lain Gred 8 sumatin long greduet wantaim 13-pela sumatin. Ol papamama bilong ol pikinini i bin amamas long dispela bilong wanem bipo ol sumatin i save wok-about i go long Daunagari tasol nau em i isi stret long ol i skul long Rilokesin ples.

Long yia 2016, bipo president bilong Ramu NiCo, Wang Jicheng i bin donetim ol desk i go long skul na tok driman bilong Ramu NiCo em long lukim olsem taim Ramu NiCo Projek i pinis, Bundi bai i gat inap loya, enjenia, dokta, na kankain save manmeri husait i ken wok long PNG na ovasis tu.

Na taim ol dispela Gred 8 sumatin long Enequai Praimeri i bin greduet long last yia, man i makim MRA (Minerel Risos Atoroti) long Madang, Nick Waipuk i tok Bundi na Usino i gat bikpela sans long kamapim ol bikpela save man na meri bilong Madang na kantri tu.

Mista Waipuki tok, wanpela taim bai ol pikinini bai drivim lend krusa na kam long Enekuwai na lukim papamama bilong ol. Wanpela taim bai pikinini Bundi bai kamapim bikpela dokta na enjinia na ol bai wok long PNG na ovasis tu. Wanpela

taim bai pikinini Bundi bai kamap pailot na flaim ol bikpela balus ovasis. Dispela i ken kamap tasol long gutpela edukesen.

Taim Ramu NiCo i bin kamapim dispela tingting na kirapim Enequai Praimeri, em i gat bilip olsem ol pikinini Bundi yet i ken kisim bikpela save na ronim bikpela projek olsem Ramu NiCo, Marengo, Banam Oil na Ges Projek, Ramu Agro na Ramu Suga. Dispela i ken kamap wantaim gutpela edukesen.

Laip tude em i hat olsem pikinini Bundi, Edward Kiza i save tokim planti lain. Tasol laip bai isi tru sapos man i gat gutpela edukesen or i gat bisnis. Nogat bai planti biket pasin bai kamap long taun na siti bilong kantri.

Ramu NiCo i bin kamapim Enequai Praimeri skul maski igat Daunaragi Parimeri i stap pinis. Na Kampani i gat bikpela tingting long saposim dispela skul long mas kamap gutpela na planti pikinini Bundi i ken kisim bikpela save.

Sapos planti manmeri i laik bai PNG i mas divolop okay yumi mas senesim tingting na kankain pasin nogut bilong ol manmeri. Na dispela i ken kamap ananit long gutpela edukesin tasol.



Edward Kiza i givim K3,000 i go long Enequai Praimeri na wanpela papa i amamas na apim em.



Ol sumatin husat i greduet wantaim ol tisa na papamama bilong ol i kisim piksa.




Dispela meri tisa long Enequai i kra i taim em i lukim ol sumatin bilong em greduet long fes taim we brukim lewa bilong em stret. Ol tisa i save kisim ol ol sumatin olsem pikinini bilong ol stret.

Na sapos Edward Kiza i tok stret, nau em taim ol Madang yet i mas go pas long ranim Madang na ekonomi bilong PNG. Kosten nau em; Ol Usino-Bundi i redi long kisim ol bikpela wok insait long Madang provins?

Sapos ansa em nogat okay salim pikinini bilong yu go long ol skul na lukautim ol skul olsem Enequai gut wantaim ol tisa bilong ol.

Edward Kiza na ol narapela Bundi lida wantaim Ramu NiCo i ken kamap

wantaim gutpela tingting long sait bilong gutpela edukesen tasol ol papa na mama wantain ol pikinini i mas stat tude long luksave olsem edukesin em impoten na mas stat long go long skul dispela skul yia, 2017.





# Tok profet long ol NRL tim bai lainap long raun namba wan bilong 2017 sisen

Lista i stap daunbilo em ol NRL i tok nating long lainap bilong olgeta 16 klap. NRL i bin mekem dispela tok profet bihain long ol lukim ol pilaia i bin pilai long of-sisen resis, ol pilaia i bin kisim bagarap na ol pilaia i lusim wangepa klap na i joinim narapela klap.

- Brisbane Broncos**  
1. Darius Boyd, 2. Corey Oates, 3. James Roberts, 4. Jordan Kahu 5. David Mead, 6. Anthony Milford, 7. Ben Hunt, 8. Adam Blair, 9. Andrew McCullough, 10. Josh McGuire, 11. Matt Gillett, 12. Alex Glenn, 13. Jai Arrow. **Intasenis:** 14. Kodi Nikorima, 15. Tevita Pangai Jr, 16. Joe Ofahengaue, 17. Sam Thaiday.
- Canberra Raiders**  
1. Jack Wighton, 2. Edrick Lee, 3. Jarrod Croker, 4. Joey Leilua, 5. Jordan Rapana, 6. Blake Austin, 7. Aidan Sezer, 8. Junior Paulo, 9. Josh Hodgson, 10. Shannon Boyd, 11. Josh Papalii, 12. Elliott Whitehead, 13. Sia Soliola. **Intasenis:** 14. Kurt Baptiste, 15. Joe Tapine, 16. Luke Bateman, 17. Clay Priest.
- Canterbury-Bankstown Bulldogs**  
1. Will Hopoate, 2. Brett Morris, 3. Josh Morris, 4. Kerrod Holland, 5. Richard Kennar, 6. Josh Reynolds, 7. Moses Mbye, 8. James Graham, 9. Michael Lichaa, 10. Aiden Tolman, 11. Josh Jackson, 12. Greg Eastwood, 13. David Klemmer. **Intasenis:** 14. Sam Kasiano, 15. Danny Fualalo, 16. Raymond Faitala-Mariner, 17. Adam Elliott.
- Cronulla-Sutherland Sharks**  
1. Valentine Holmes, 2. Sosaia Feki, 3. Jack Bird, 4. Ricky Leutele, 5. Gerard Beale, 6. James Maloney, 7. Chad Townsend, 8. Andrew Fifita, 9. Manaia Cherrington, 10. Matt Prior, 11. Luke Lewis, 12. Wade Graham, 13. Paul Gallen. **Intasenis:** 14. Tony Williams, 15. Jayson Bukuya, 16. Chris Heighington, 17. Sam Tagataese.
- Gold Coast Titans**  
1. Jarryd Hayne, 2. Anthony Don, 3. Konrad Hurrell, 4. Dan Sarginson, 5. John Olive, 6. Kane Elgey, 7. Ashley Taylor, 8. Ryan James, 9. Nathan Peats, 10. Jarrod Wallace, 11. Kevin Proctor, 12. Chris McQueen, 13. Agnatius Paasi. **Intasenis:** 14. Tyrone Roberts, 15. David Shillington, 16. Zeb Taia, 17. Leivaha Pulu.
- Manly-Warringah Sea Eagles**  
1. Tom Trbojevic, 2. Jorge Taufua, 3. Dylan Walker, 4. Matthew Wright, 5. Akuila Uate, 6. Blake Green, 7. Daly Cherry-Evans, 8. Darcy Lussick, 9. Apisai Koroisau, 10. Nate Myles, 11. Lewis Brown, 12. Martin Taupau, 13. Jake Trbojevic. **Intasenis:** 14. Cameron Cullen, 15. Brenton Lawrence, 16. Addin Fonua-Blake, 17. Curtis Sironen.
- Melbourne Storm**  
1. Billy Slater, 2. Suliasi Vunivalu, 3. Cheyse Blair, 4. Will Chambers, 5. Josh Addo-Carr, 6. Cameron Munster, 7. Cooper Cronk, 8. Jesse Bromwich, 9. Cameron Smith, 10. Jordan McLean, 11. Kenny Bromwich, 12. Tohu Harris, 13. Dale Finucane. **Intasenis:** 14. Nelson Asofa-Solomona, 15. Tim Glasby, 16. Christian Welch, 17. Slade Griffin.
- Newcastle Knights**  
1. Peter Mata'utia, 2. Nathan Ross, 3. Dane Gagai, 4. Joe Wardle, 5. Ken Sio, 6. Jarrod Mullen, 7. Trent Hodkinson, 8. Sam Mataora, 9. Rory Kostjasy, 10. Daniel Saifiti, 11. Sione Mata'utia, 12. Mitch Barnett, 13. Jamie Buhner. **Intasenis:** 14. Danny Levi, 15. Jacob Saifiti, 16. Korbin Sims, 17. Pauli Pauli.
- North Queensland Cowboys**  
1. Lachlan Coote, 2. Kyle Feldt, 3. Justin O'Neill, 4. Kane Linnett, 5. Antonio Winterstein, 6. Michael Morgan, 7. Johnathan Thurston, 8. Matt Scott, 9. Jake Granville, 10. Scott Bolton, 11. Gavin Cooper, 12. Ethan Lowe, 13. Jason Taumalolo. **Intasenis:** 14. Ben Hampton, 15. Coen Hess, 16. Sam Hoare, 17. John Asiata
- Parramatta Eels**  
1. Bevan French, 2. Josh Hoffman, 3. Michael Jennings, 4. Brad Takairangi, 5. Semi Radradra, 6. Clinton Gutherson, 7. Corey Norman, 8. Tim Mannah, 9. Isaac De Gois, 10. Nathan Brown, 11. Manu Ma'u, 12. Beau Scott, 13. Tepai Moeroa. **Intasenis:** 14. Kaysa Pritchard, 15. Kenny Edwards, 16. Sosaia Vave, 17. Frank Pritchard.
- Penrith Panthers**  
1. Matt Moylan, 2. Waqa Blake, 3. Dean Whare, 4. Peta Hiku, 5. Dallin Watene-Zelezniak, 6. Te Maire Martin, 7. Nathan Cleary, 8. Leilani Latu, 9. Peter Wallace, 10. James Tamou, 11. Bryce Cartwright, 12. Isaah Yeo, 13. Trent Merrin. **Intasenis:** 14. Tim Browne, 15. Tyrone Peachey, 16. Reagan Campbell-Gillard, 17. James Fisher-Harris. **\*Josh Mansour i kisim bagarap long lek skru na i go aut.**
- South Sydney Rabbitohs**  
1. Greg Inglis, 2. Alex Johnston, 3. Bryson Goodwin, 4. Hymel Hunt, 5. Aaron Gray, 6. Cody Walker, 7. Adam Reynolds, 8. Tom Burgess, 9. Robbie Farah, 10. Robbie Rochow, 11. Kyle Turner, 12. John Sutton, 13. Sam Burgess. **Intasenis:** 14. George Burgess, 15. Damien Cook, 16. Jason Clark, 17. Zane Musgrove.
- St George Illawarra Dragons**  
1. Josh Dugan, 2. Nene Macdonald, 3. Euan Aitken, 4. Taane Milne, 5. Jason Nightingale, 6. Gareth Widdop, 7. Drew Hutchison, 8. Paul Vaughan, 9. Cameron McInnes, 10. Leeson Ah Mau, 11. Tyson Frizell, 12. Joel Thompson, 13. Jack de Belin. **Intasenis:** 14. Russell Packer, 15. Tariq Sims, 16. Jacob Host, 17. Jake Marketo. **\*Mose Masoe i kisim bagarap long lek skru na i go aut.**
- Sydney Roosters**  
1. Michael Gordon, 2. Latrell Mitchell, 3. Blake Ferguson, 4. Shaun Kenny-Dowall, 5. Daniel Tupou, 6. Luke Keary, 7. Mitchell Pearce, 8. Jared Waerea-Hargreaves, 9. Jake Friend, 10. Dylan Napa, 11. Boyd Cordner, 12. Mitchell Aubusson, 13. Isaac Liu. **Intasenis:** 14. Connor Watson, 15. Aidan Guerra, 16. Kane Evans, 17. Zane Tetevano. **\*Sio Siva Taukeiaho i kisim bagarap long lek skru na i go aut.**
- Warriors**  
1. Roger Tuivasa-Sheck, 2. David Fusitu'a, 3. Solomone Kata, 4. Tuimoala Lolohea 5. Manu Vatuvui, 6. Kieran Foran, 7. Shaun Johnson, 8. Jacob Lillyman, 9. Issac Luke, 10. Sam Lisone, 11. Ryan Hoffman, 12. Bodene Thompson, 13. Simon Mannering. **Intasenis:** 14. Jazz Tevaga, 15. Albert Vete, 16. Charlie Gubb, 17. James Gavet. **\*Ben Matulino i kisim bagarap long lek skru na i go aut.**
- Wests Tigers**  
1. James Tedesco, 2. David Nofalo, 3. Kevin Naiqama, 4. Tim Simona, 5. Jordan Rankin, 6. Mitchell Moses, 7. Luke Brooks, 8. Aaron Woods, 9. Matt Ballin, 10. Sauaso Sue, 11. Chris Lawrence, 12. Josh Aloiai, 13. Elijah Taylor. **Intasenis:** 14. Jacob Liddle, 15. Ava Seumanufagai, 16. Tim Grant, 17. Jamal Idris.

## Pri-sisen resis bilong 2017 NRL sisen

NRL i kamapim lista bilong olgeta 16 NRL Klapal bai pilai pri-sisen resis pas bipo long 2017 NRL Telstra Premiasip resis bai kamap.

	<b>Februari 4 - 5:</b> bai pilai egensim ol Knights, Wests Tigers, Storm; NRL Auckland Nines, long Eden Pak, Oklan. <b>Februari 4:</b> bai pilai egensim ol Sharks long Dolphin Stediam, Redcliffe. <b>Februari 18:</b> bai pilai egensim ol Warrington Wolves; World Club Series, long Halliwell Jones Stediam long Warrington, UK.		<b>Februari 4 - 5:</b> bai pilai egensim ol Roosters, Raiders, Rabbitohs; NRL Auckland Nines, long Eden Pak, Oklan. <b>Februari 11:</b> bai pilai egensim ol Sydney Roosters long BB Print Stediam, Mackay. <b>Februari 17:</b> bai pilai egensim ol Wests Tigers long Campbell Taun Stediam, long 7 klok apinun.
	<b>Februari 4 - 5:</b> bai pilai egensim ol Cowboys, Roosters, Rabbitohs; NRL Auckland Nines, long Eden Pak, Oklan. <b>Februari 18:</b> bai pilai egensim ol Newcastle Knights long Seiffert Oval, Queanbeyan.		<b>Februari 4 - 5:</b> bai pilai egensim ol Dragons, Sea Eagles, Warriors; NRL Auckland Nines, long Eden Pak, Oklan. <b>Februari 18:</b> bai pilai egensim ol Penrith Panthers long Pepper Stediam.
	<b>Februari 4 - 5:</b> bai pilai ai pilai egensim ol Sharks, Titans, Panthers; NRL Auckland Nines, long Eden Pak, Oklan. <b>Februari 11:</b> bai pilai egensim ol Penrith Panthers long Belmore Spot Groun long 6 klok apinun. <b>Februari 18:</b> bai pilai egensim ol Melbourne Storm long North Hobart Oval long 3.30 apinun.		<b>Februari 4 - 5:</b> bai pilai Egensim ol Cowboys, Roosters, Raiders; NRL Auckland Nines, long Eden Pak, Oklan. <b>Februari 11:</b> bai pilai egensim ol Manly Sea Eagles long Campbell taun Stadium, long 7 klok apinun. <b>Februari 19:</b> bai pilai egensim ol Dragons, Charity Shield, long ANZ Stediam
	<b>Februari 4 - 5:</b> bai pilai egensim ol Titans, Panthers, Bulldogs; NRL Auckland Nines, long Eden Pak, Oklan. <b>Februari 4:</b> bai pilai egensim ol Broncos long Dolphin Stediam, Redcliffe. <b>Februari 19:</b> bai pilai egensim ol Wigan Warriors; World Club Challenge, long DW Stediam, Wigan.		<b>Februari 4 - 5:</b> bai pilai egensim ol Eels, Sea Eagles, Warriors; NRL Auckland Nines, long Eden Pak, Oklan. <b>Februari 11:</b> bai pilai egensim ol Wests Tigers long WIN Stediam, Wollongong. <b>Februari 19:</b> bai pilai egensim ol Rabbitohs, Charity Shield, long ANZ Stediam.
	<b>Februari 4 - 5:</b> bai pilai egensim ol Sharks, Panthers, Bulldogs; NRL Auckland Nines, long Eden Pak, Oklan. <b>Februari 19:</b> bai pilai egensim ol Warriors long Central Energy Trust Arena long Palmerston North, Nu Silan, 2 klok apinun.		<b>Februari 4 - 5:</b> bai pilai egensim ol Cowboys, Raiders, Rabbitohs; NRL Auckland Nines, long Eden Pak, Oklan. <b>Februari 11:</b> bai pilai egensim ol North Queensland Cowboys long BB Print Stadium, Mackay. <b>Februari 18:</b> bai pilai egensim ol Manly Sea Eagles long Sentral Kos Stediam.
	<b>Februari 4 - 5:</b> bai pilai egensim ol Dragons, Eels, Warriors; NRL Auckland Nines, long Eden Pak, Oklan. <b>Februari 11:</b> bai pilai egensim ol South Sydney Rabbitohs Campbell Taun Stediam long 7.30 apinun. <b>Februari 18:</b> bai pilai egensim ol Sydney Roosters long Central Coast Stediam.		<b>Februari 4 - 5:</b> bai pilai egensim ol Dragons, Eel, Sea Eagles; NRL Auckland Nines, long Eden Pak, Oklan. <b>Februari 11:</b> bai pilai egensim ol Melbourne Storm long Sunshine Coast Stediam long 5 klok apinun. <b>Februari 19:</b> bai pilai egensim ol Gold Coast Titans long Sentral Eneji Tras Arena long Palmaston Not, Nu Silan, long tu klok apinun.
	<b>Februari 4 - 5:</b> bai pilai egensim ol Knights, Wests Tigers, Broncos; NRL Auckland Nines, long Eden Pak, Oklan. <b>Februari 11:</b> bai pilai egensim ol Warriors long Sunshine Coast Stediam, long 5 klok apinun. <b>Februari 18:</b> bai pilai egensim ol Canterbury-Bankstown Bulldogs long North Hobart Oval, 4.30 apinun.		<b>Februari 4 - 5:</b> bai pilai egensim ol Knights, Broncos, Storm; NRL Auckland Nines, long Eden Pak, Oklan. <b>Februari 11:</b> egensim ol Dragons long WIN Stediam, Wollongong. <b>Februari 17:</b> egensim ol North Queensland Cowboys long Campbell taun Stediam, 7.00 klok apinun
	<b>Februari 4 - 5:</b> bai pilai egensim ol Wests Tigers, Broncos, Storm; NRL Auckland Nines, long Eden Pak, Oklan. <b>Februari 18:</b> bai pilai egensim ol Canberra Raiders long Seiffert Oval, Queanbeyan.		

# Yokomo i stap long top

**YOKOMO i stap yet long top long A gret di-  
visen bilong Pot Mosbi Softbal Asosiesen  
resis bilong ol man.**

Ol sempion i skruim ol yet i go antap long 10-pela resis poin bihain long ol i bin daunim ol Gazelle, 11-4, long laspela gem bilong raun namba 7 resis i bin kamap long wiken long Bisini pilai graun.

Ol Yokomo i bin win bikos pilaia bilong ol, Joe Kudada, i bin pilai gut long taim bilong resis. Ol Yokomo i bin skoaim 9-pela poin taim ol Gazelle i no bin kisim wanpela skoa yet.

- Leta bilong A gret i sanap olsem;
- Yokomo i stap long namba wan ples long leta wantaim 10 poin,

- United Brother i stap long namba tu ples long leta wantaim 8 poin
- Defence i stap namba 3 ples long leta wantaim 7 poin
- Brown Eagles i stap namba 4 ples long leta wantaim 7 poin
- Gazelle i stap namba 5 ples long leta wantaim 6 poin
- Saints i stap namba 6 ples long leta wantaim 6 poin
- PNG Power i stap namba 7 ples long leta wantaim 5 poin
- Bears i stap namba 8 ples long leta wantaim 4 poin na
- Manolos i stap namba 9 ples long leta wantaim 3 poin



Yokomo na Gazelle i resis long wiken. Yokomi i daunim ol Gazelle, 11-4, poin.

## PAG Rooster i stap namba wan ples yet

OL PAG Roosters i bin win long ogeta raun long Laurabada Pul miks resis tasol ol namba tu ples, PIH, i bin daunim ol wantaim tripela ran long namba 9 na 10 raun bilong PIH kopret indo kriket resis i bin kamap long Amini Pak long las wiken.

Tasol, ol ANZ i bin daunim ol PIH gen long narapela resis taim ol i skoaim 115 ran long bekim 69 ran bilong ol Rooster.

Ol Rooster i bin lus long

tupela resis, tasol ol i stap yet long namba wan ples bilong leta na ol PIH i stap namba tu ples, PNG Ports i stap namba tri ples na SCAL i stap namba foa ples.

Long Avurigo Pul resis, ol sempion, i no gat wanpela tim i daunim ol AVIS na ol i go het wantaim 74 ran na daunim ol Nesenel Palamen.

Ol Digicel Red na Credit Corporation i bin resis long Avurigo Pul resis em ol Red i bin daunim ol Credit Corpo-

ration wantaim 9-pela ran. Dispela win bilong ol Red i skruim ol i go antap long top foa ples.

Long ol narapela pul em ol BSP i daunim ol IBS wantaim 245 ran long go antap long top ples.

Ol Rigo Office i stap long top ples yet wantaim win bilong ol egensim ol ANZ na Carpenter Shipping.

Na ol Bmobile-Vodafone na kina Bank i win tu long dispela raun resis.

## PNG sprinta, Afure, i stat gut

YANGPELA sprinta bilong Papua Niugini long hadel resis, Afure Adah, i bin stat gut long 2017 kempeng resis bilong em long haus dua trek long Minnesota Stet Yniveseti long Mankato.

Em i bin winim awod bilong Northern Sun Intercollegiate Konfrens Etlit bilong

wik long 60 mita hedel resis bihain long em i bin winim mak insait long 9.08 seken na 9.01 seken, na em i bin winim mak bilong 200 mita resis insait long 25.29 seken.

Adah i bin winim gol medal bilong PNG long 2015 Pasifik Gems long 4\*400

mita rilei. Em i bin resis gen long Univesiti bilong Nebraska long wik i go.

Long wankain taim, Rellie Kaputin, Adrine Monagi na Peniel Richard i statim 2017 sisen bilong ol long wan wan resis bilong tupela long las wik.



YANGPELA sprinta bilong Papua Niugini long hedel resis, Afure Adah.

## Pukpuk Tim bai lusim kantri long Mande

PUKPUK Tim bilong ol man husat i makim PNG bai lusim kantri long neks wik Mande, 23 Januəri, long go resis long Wellington Sevens tonamen.

Tonamen bai kamap long Januəri 28 i go inap Januəri 29, na Sydney Sevens tonamen bai kamap long Februəri 4 i go inap Februəri 5, 2017.

Presiden bilong Papua Niugini Ragbi Futbal Yunion, Steven Kami, i bin tok aut long fainal seleksen bilong skwat bilong ol man long las wik Tunde.

Kami i tok, "Mipela i laik tok tenkyu long long ol sponsa bilong mipela husat i sapot na givim mani long taim mipela i mekim wok redi em Interoil, MRDC, Click TV, Pacific Industries, Seeto Kui, Leading Edge na Axellerate Sports.

"Sapos ol dispela sponsa i no stap, ol wok redi bai no inap long kamap. Ol i bin kam

insait long las minit bikos PNG-GRFU i no gat mani taim ol eksekutiv bilong mi i kisim ples na i no gat mani long mekim wok redi bilong tim.

"Mi wantaim ol eksekutiv bilong mi no westim taim na mekim ol pres stetmen bikos long strongim tim bilong mipela long ol i ken inap long redi long bungim ol promis bilong mipela wantaim Wol Ragbi."

Ol PNG Pukpuk sevens skwat em:

- 1 Henri Kalua bilong Is Nu Briten
- 2 Willie Tirang bilong Is Nu Brietn
- 3 Danny Opa bilong CRU
- 4 Nathan Baramun bilong AROB
- 5 Wesley Vali bilong Mendi
- 6 Manu Guise bilong CRU

- 7 Arthur Clement bilong Is Nu Briten
- 8 Freddy Rova bilong Sentrel
- 9 Dean Manale bilong CRU
- 10 Gairo Kapana bilong Sentrel
- 11 Patrik Tatut bilong manus
- 12 Max Vali bilong Morobe
- 13 Jason Pitbang bilong Morobe
- 14 Eugene Tokavai bilong Is Nu Briten
- 15 Navu Nope bilong Sentrel
- 16 Maluai Pitala bilong Morobe

Ol opisal bilong tim em:

- 1 Douglas Guise – Kosa
- 2 Sailosi Druma – Asisten Kosa
- 3 Damaris Minikula – Tim Menesa



Presiden bilong Papua Niugini Ragbi Futbal Yunion, Steven Kami.



Joyce, bilong US Embassy i lukluk long pasim bal long wan pilaia bilong em.



Gol suta bilong US Embassy i redi long tromoi bal long gol mak bilong Marsh long praiwet kampani netbal resis long Mosbi.



Gol suta bilong Lee Partners i traim long ketsim bal, tasol Gol Kipa bilong PNG Dockyard i banisim em.



Gol suta bilong Lee Partners i makim gut gol mak bilong PNG Dockyard long praiwet kampani netball resis.


Oi Poto: Nicky Bernard



Beta bilong PNG Pawa i putim gut was long bal long paitim long sofbal pilai wantaim Bears.



Pitsa bilong Gazelle i mekim wanpela flai pits.




Beta bilong Bears i lukluk long bal taim ketsa bilong PNG Pawa i opim glap long ketsim.



Beta bilong Yokomo i mekim wanpela paul straik long pilai wantaim Gazelle. Yokomo kam long bihain na win long A gret pilai bilong ol long Mosbi.



Ketsa bilong Difens i ketsim bal taim pilaia bilong Saints i lukluk wantaim ampaia.



WHITE TUNA FLAKES  
**DIANA White**

WHITE TUNA  
insait  
**K 2.20**



Manufactured by:  
RD Tuna Cannery Ltd.



*Tasty and Flavourful White Tuna for Everyone!*

## Tupela etlit i go skul long US



PNG Etlit, Robson Yinambe na Wesley Logorava, i go skul na trening long US.

**TUPELA** gol medal wina long 2015 Pasifik Gems, Wesley Logorava na Robson Yinambe, i bin go long Yunaitet Stet bilong Amerika (USA) long skul long Junia Kolis.

Tupela bai go stap long Concordia, Kansan we tupela bai skul long Klaud Komyuniti Kolis.

Long wankain taim, Wesley Logorava bai trening long 4\*100 mita riley na Robson Yinambe bai trening long Decathlon we tupela i bin winim gol long dispela tupela spot long Pasifik Gems resis.

Ol i bin tok aut long dispela stori long stat bilong Desember, 2016, na tupela i amamas long harim dispela stori bikos tupela i bin wet longpela taim long winim dispela kain sans inap long Pasifik Gems i pinis long 2005.

Tupela etlit i bin stap insait long wanpela liklik grup we ol i bin trening long Lae, Morobe inap long 12 mun i

go we ol i stap aninit long helpim bilong Etlitik PNG.

Ol i salim ol etlit i go long narapela kantri em i wanpela plen we Etlitik PNG i bin kamapim klostu taim.

Namba wan kos bilong lainim ol skil bilong kamap kosa em ol bai stat long taim bilong PNG Gems na wanpela trening hap bilong ol junia man sprinta grup ol bai makim long en em ol bai stat long wik i kam long NSI.

Wilson Malana long Kimbe na Allan Akia long Lae em tupela namba wan long makim long go pas long dispela program.

Yinambe na Logorava i bihainim Rellie Kaputin, Peniel Richard, Adrine Monagi, Poro Gahekave, Shirley Vunatup, Naomi Kerari na Sharon Toako em ol i bin go bek long USA long yia i go aninit long wan wan fanding ol i bin kisim long en.

Pefomens baset bilong Tim

PNG aninit long PNG Olimpik Komiti trening helpim wantaim ol narapela skolasip sapot long kolis i oraitim mipela long redim dispela sans bilong Wesley na Robson," Presiden bilong Etlitik PNG, Tony Green, i tok.

"Mipela i laik long strongim ol namba wan etlit skwat long strong yet long spot namel long pasifik Gems resis na i go het long skul bilong ol na mipela i bilip olsem dispela em i gutpela rot long winim dispela mak.

"Wesley i bin givim inap taim long trening bilong em na winim dispela sans na i lukluk long winim mak we Theo Piniau i winim long 200 mita nesnel rekot long yia i go.

"Robson i bin soim long Pasifik Gems olsem em i wanpela etlit husat i save resis strong long ol bikpela resis. Na, resis program long USA bai strongim em long makim top ples."

**Wet Sison Taim Bilong Malaria. Lukautim Yu, na Famili Bilong Yu!**

**\* Treated Mosquito Nets PREVENT Malaria**

**\* Visitect TESTS for Malaria**

**\* Arterakine Tablets TREAT Malaria**

*Good Products, Better Prices, ikam long*

**Johnstons Pharmacies Ltd**

P.O.Box 1066, Boroko, Papua New Guinea.

Email sales@johnstons.com.pg

**STOP  
MALARIA**